

Ufunuo

¹ Ulu lyuluvonekhelo lwa Yeisu keileisite ulwu u Nguluve apile ukhuta avavonesye avavombi vamwene nchincho nchila humeila paseikhe uguhenghelile. Avei apelile nchimanyeikheikhe pakhusuha usuhwa vamwene khu mbombi vamwene u Yohani. ² Pu u Yohani akhanchova khila khinu kheikhyo akheivwene ukhukongana nei limenuy lya Nguluve na khunchila unchunchovile ukhukongana nu Yeisu keileisite. ³ Vandunghatalukho vala vavo vikhwimba amamenyu ngha kalata ekiye nukhunghapuleikha amamenyu angha malangho angha nukhukonga uvuveinghi uvusimbiwe mukalata ekiye, pakhua akha valeilo khahenghelile. ⁴ U Yohani, khumipelela lekhela khumo einghileikhu Asiya: Uluhunghu nu lunonchehencho, luvenchaghe khulyumwe khumwene uvei pwale, uveialepwo, nuvei yakheiva ikhwincha nu khuhuma khu mepo lekhela khumo inchilipamiho pavulongolo pakheinghoda eikheinyalwanghula, ⁵ nu khuhuma khwa Yeisu ukeileisite utangheili ungholofu, ung'olwa utanchi va vala avafwile, hange vei mbaha va vaNkuludeva vono avakheilunga eikhei. Khu mwene uvei atunghanile hange atupokhile ukhuhuma khumbivi ncheitso mwakisa nghwa mwene, ⁶ atupelile ukhava ludeva, nu khuva vatekhenchi va Nguluve u vise va mwene-

pakhuva uvunghiniwa na makhangha mwene amanchova nghooni na sikhu nchooni. Ameni.

⁷ Lola, pwikhwincha mumaveingo; eiliho eilya venchangha yalikhumbona, paninie na vala vooni avuvatovelile nei misumali. Pu nafifivumbukhu fyoni ifya nkeilunga pufikheileilesyongha khu mwene. Eena, Ameni.

⁸ “Une nene itanchi nu vumaleilo, “(Alfa na omega)” Vuita u Nkuludeva u Nguluve, “Umwene uvei pwale, nu vei alepwo, nu vei ikhwincha unyamakha.” ⁹ Une nei, Yohani - nei lukololweinyo neituleilanila paninie numwe mumbunkuveilwa na ndudeva na mukhyumeileila mumbunkifu uvulei mwa Yeisu; niale mukheifungo eikhikheilangiwa Patimo savuli ya limenuy lya Nguluve nu khunchova eilimenyu lya Yeisu. ¹⁰ Niale mu mepo palinchova lya Nkuludeva. Puneikha puleikha khusana khyulyune eilimenyu eilivaha vwita ngalape, Eilimenyu ¹¹ eiliita, “Usimbe mu kalata einchuvukhu nchivona, pu unchisuhe inchi inchuvukhunchivona khunipelela lekhela khumo, ukhuluta khu Efesi, ukhuluta khu Similia, na khupelela unghwa palinghanmo, nakhu Tiatila, ukhuluta khu khu Salidi, nu mupelela unghwa mu Filidefia, nu khuluta khu Leokadiya.”

¹² Puneikhapendukha khwilola eilimenyu eilei lyani uveinchova nune, pu niavile neipeindwikhe paneikhavona ifibateilo ifitali lekhela khumo ifya sahabu. ¹³ Panghati na nghati pa khibateilo eikhya nyale aleimwo umo ndu swambe va Nyamunu, uvei afwalile u nghwa nyingheileincha utali unghufikhe

impakha pasi mumalunde ngha mwene, pu pakheifuva apinyile eingwamba ya sahabu ukhunchunghuteila eikhelifuva khya mwene. ¹⁴ Utwe nghwa mwene ni nchweilei ncha mwene nchale mbalafu swe wiita lwanghe uluvalafu ukhuta hala, amiho ngha mwene nghale vwita luliimbo lwa mwoto. ¹⁵ Inyayo ncha mwene nchale ukhuta kheimanga eikheikhanghuliwe fincho, wita itofu nghuhumile mumwoto, nei limenu ly a mwene lyale vwita manghasi amingi anghikuta pa salala. ¹⁶ Pu aibaleilile inondwe lekhela khumo mukheivokho khya mwene eikhyandyo, nu khuhuma mundomo mwale nei mundu eing'ali eiyilema khyukhuveileikhwoni khwoni. Pamiho pa mwene paleikhung'ala ng; adeikha ukhuta lumuli lwa linchuva. ¹⁷ Niavile nei mbwene, pu neikhanghwa pamalunde ngha mwene ndu munu uvya fwile. Pu akhaveikha eikhivokho khya mwene eikhya khundyo pakyanya palyune akhata, “Ulekhe ukhudwada! Une nene tanchi hange vumaleilo, ¹⁸ na nene nipitama. Neikhafwile, pu leino lola, nipitama isikhu nchooni! Pakhusita khusila lusikhu. Hange neilei nifideinduleilo ifya khufwe na khuvunchukha. ¹⁹ Pu leino usimbe inchonchiwene leino nanchinchila inchikhwincha pa inchi. ²⁰ Ulwakuva eikhyu kheifihile ukhukongana ni nondwe lekhela khumo inchunchiwene mukheivokho khyango eikhya khundyo, na kheikhilateilo khya sahabu eikhya nyale lekhela khumo: inondwe lekhela khumo va vasuhwa va mipelela lekhela khumo, nei khibeteilo khya nyale lekhele khumo nghyu

mipelela lekhela khumo.”

Sura ya 2

¹ Khu pelela unghulei khu Efesi usimbe: 'Angha nghu mamenyu ngha ula uvei ibateilile inondwe incho lekhela khumo mukheivokho khya mwene eikhya khundyo umwene uvei inghenda pafibaleilo fya nyale lekhela khumo ifya lutalama iita," ² "Neinchimanyile imbombo nchakho nulweiyumeileincho lwakho pa mbombo na vuvukifu nukhuta savahile ukhuva panifie navavivi, hange puvanghelile voni vavo vikheinchova ukhuta vapositili, humbe savapositili puvavonikhe ukhuta vadesi. ³ Neilumanyile ukhuta uleinulweiyei yumeileincho nulweikasyo, hange punkuvilwe fincho savali ya lifavwa lyango, hange sunghatile. ⁴ Pu leino neileineilimenyu ulunghano lwakho lula ululanchi. ⁵ Pu leino nkumbuheincha nukhuvomba imbombo ingolofu nchila incho vwa vombangha ulutanchi. Pu ungave savvipela, pwu nikhwincha khulyuve nikhukheihencha ikhibateilo khya nyale ukhuhuma upwukhikhale. ⁶ Puleino uve uleinanco inchi, vuvipa fincho khunchila inchu ava Nikolao vikhunchivomba, nchincho na yune nivipa pa incho. ⁷ Umwene uveialeinimbulukhutu apuleikhanghe nchila nchincho u membo ukhungleivula eimipelela ula unduti pali nghoha veinikhupinchangha uvulenghefu uvwa khulya pabeikhi unghwa vwumi unghulei pa paladisi ya Nguluve.' ⁸ Khuvasuhwa avamupelela unghwa Similina

simba: '(Haya ni maneno ya yule ambaye ni mwanzo na mwisho ambaye alikufa na kuwa hai tena:) ⁹ "Neivumanyile uvunkuveilwa vwakho nuvunghachu (pu leino uve uleikavi), nu vudesi vwa vala avavikheinchova ukhuta va Yuta (pu leino savuvene pa mnyumba yakhweisayeila undunghu). ¹⁰ Uladwadangha uvunkuvilwa uvuyakheiva vakhuvuvonangha. Lola! Utavanghwa inonghwa avange ndyumwe avaveikhe mudeindeiliwe munyumba ya vanyanyololo, ulwakuva muleipakhu ngeliwa puyamunkuveilwa amanchuva eikheinchingho. Muwenchanghe vangholofu nakhukhufikha paseikhei unghwa khufwa, pu ya nikhuropa uludinghuleilo lwa vwumi. ¹¹ Engave uleinumbulukhutu puleikhanga unghu u mepo ukhungheivula eimipelela. Ula uvei iva induti sayiveyangheikha nukhufwa ulwa veilei.' ¹² "Khupelela unghwa mu Peligamo simba: 'Angha nghu nghala unghu inchova ula uvvalei neilimundu leila eilitema khyoni khyoni. ¹³ "Nei pa manyile pala upwuvutama pale upu kheileipwo eikheinyalwanghula eikhya setano. Paninie neiyo uve uleibite fincho eilitavwa lyango hange suleyile palweideikho ulwa khunyeideikha une. Nafifinghono fila ifyu u Antipa utangeili vango mukhonchova, ungholofu vango uveiabudiwe mundyumwe, apo pwu usetano itama. ¹⁴ Puleino neilainangho amamenyu madebe palyuve: uleinavanu ukhwa avavikonga ulumanyisyo ulu u Blyamu, amanyisyangha khwa Balakhi upyu aveikha ingofyo khunya Israeli, ukhuta pwu valye ifinu

fifyo fiveikhivwe fya nekhelo ya minguluve nu vulinghu. ¹⁵ Mu njeila eiyo nayuve uleinavo avanu avange vavo vibite nukhubadama mulumanyisyo lwa va Nikolao. ¹⁶ Pu leino pela! Nu pungave savwipela, nikhwintcha lulu, punipelangha eilinghoha pavene ni mundu eiyihuma mundomo nghwango. ¹⁷ Uvei aleinimbulukhutu apuleikhanghe eilimenyu eilei eilyu u mepo ukhunghieivula eimipelela. Ula uvei iva nduti palinghoha venikhupa pakhunghaveila eikhakhulya eikhinonu (manna) ikheileikhuvutitu, hangepunikhupa neilinyanga, eilipyga pa kyanya palinganga, eilitavwa eileiasikhuli uvvaleimanyile mwene ula uveiikhulyupeila vei aleimanyile.' ¹⁸ "Mupelela unghwa suhwa uva khu Thiatila pusimbe: "Angha nghu mamenu ngaha swambe va Nguluve, umwene uvvalei na mahiho anghaleindululincho lwa mwoto, ni nyayo nchilindutofu unghunghung'ala imbalafu fincho: ¹⁹ "Ninchimanyile imbombo nchakho - ulunghano lwakho nu lweideikho navavuvombeli nulweiyumeileincho nuvukifu vwakho, nukhuta khila leikhyuvimbile akhaseikhi akha khiluteilile pakhila ikhyukhavobile pavutenguleilo. ²⁰ Pu leino neileinalyo eilei palyuve: pakhuva vukhumwumeileila fincho udala u Yesebeli uvei ikheinchova yuywa ukhuta veinyamalangho udala. Mundumanyisyo lwa mwene ikhuvayancha avavombi vango ukhulinghupa paninie nukhulya ifinu ifya nekhelo ya minghuluve. ²¹ Ngapile useikhi

unghwa khupela, ukhuta akilivukhe, pu leino sinonghwa ukhupela uvuvivi vwa mwene nukhukilivakha.²² Lola! leino pulikhubeilusyanga pakhihangha ikhyavulinghu paninie navala uvwakhalinghupangha navo, ukhuta pavave ndunghaduncho ulwavunkuveilwa. Yeingave ndakheikhi huba vapele khukhila eikhyu avombile.²³ Pu une nikhuvabudangha avana vamwene vafwe neimipelela ngyoni yangikhulumanya ukhuta une nene nilola muwanasyale na muvumbula. Punikhupinchangha umo umo ndyumwe mukheinghelelo khya mbombo ncha mwene.²⁴ Pu leino khumweivamo ndyumwe mwei musinghiile umu mu Thiatila, khuvala vooni avasavikonga ulumanyisyo ulu, na yumwe mweisamukheimanyile ilekhuincha setano, pu miita khulyumwe sangaveikhe khulyumwe unvhingho unghwakhuvongelencha.²⁵ Mukhila ikhyumuleinakhyo mukhibate nukhubadama fincho paeikhyo impakha paseikhi unghu yakheiva nikhwinka.²⁶ Ula uvei iva ndutu nukhukonga kheile ikhyunivomba impakha pavasileilo, pu khumwene uywa nikhipi nchangha uvuvaha vwa paflunga fyoni avapaneni vevenchangha pasi pa mwene.²⁷ Uvuvaha vwa mwene pwikuva longonchangha nukhuva Nkuludeva vavene voni.²⁸ Nduvu niopeilile ukhuhuma khwa Daada pu une puyanikhupa nulutodwe ulwa pavusikhu vwakeilo.²⁹ Ula uvyalei nimbulukhutu apuleikhanghe kheila eikhyu u mepo ikhungheivula eimipalela.'

Sura ya 3

¹ Khusuhwa uvamupelela unghwa mu salidi simba: 'Amemenyu ngha ula uvei ibateilile imepo lekhela khumo incha Nguluve ni nondwe lekhela khumo." Neikhi manyile khila eikhyuvombile. Avanu vikhukhunghinia ukhuta uleimwumivu humbe u-fwile. ² Sisimukha uvei miho vweidulusye panghala anghasinghiile, pu leino nghaleipipi ukhufwa, pakhuva saneinchiwene imbombo nchakho ukhuta nchinonghelanile pamihoh ngaha Nguluve. ³ Pu leino kumbuheincha nchila unchvwa upile nukhupuleikha. Unchikonge. Mukhupela uvuvivi, puleino ungave savusisimukha nukhuva miho pu une nikhiwincha ndu munu undyasi, pu sukhalumanye akhavalelo ukhuyakhiva nikhwincha pa lyulve. ⁴ Pu leino khulei matavwa madebe ngaha vanu ava mu Salidi vavo savalaminche eimyenda nghyovo vuvinghendangha paninie nune vuvafwalile eimyenda eimivalafu swe, pakhuva vanonghile. ⁵ Ula uvei iva nduti punikhei kungangha eilitavwa lya mwene pavulongolo pa Daada vango, na pavasuhwa. ⁶ Uvei angave alei ni mbulukhutu apuleikhanghe eilimenyu eilei, eiyu u mepo ikhungleivula eimipelela." ⁷ Khusuhwa uvamupelela unghwa mu Filidefia simba: Amamenyu ngha ula ungholofu nuvwayeilweli, uvei alei neikhedeinduleilo khya Davitei, pu usikhuli u yunge uva khudeindula. Lola pupaleindyango udeindule neikhupile pu asikhuli unyakhudeinda. ⁸ Neilumanyile ulei nangho amakha madebe,

pu eilimenyu lyango uleiveikhile munumbula yakho. ⁹ Lola! Punikhukhupa avange avandu lundamano lwa setano, vala aviita avene va Yuta humbe sava Yuta, pu vikhuvasyova avanu, lola vuyanikhuvumeleincha ukhuta vinchanghe pakhusona pamalunde nghakho. Puyavikhulumanya ukhuta niakhunghanile. ¹⁰ Ulwakhuva ulibiite eilimenyu lyango, nuvukifu pakhwiyumeleincha mulimenyu. Pu na yune nikhukhu lololangha nukhukhyuvateila pa seikhei unghwa khungheliwa ¹¹ pakhuva nghukhwincha pakheilunga khyoni, khukhuva nghela vala vooni vavo valei mukheilunga. ¹² Ula uvei iva induti punikhupe langha ukhuta avenchanghe mbanda va nyumba imbalanche eiya Nguluve, pusalahuma khunji lusiku. Puniku leisimba eilitavwa lya Nguluve vango, eilitavwa lya vunvhenge vwa Nguluve vango, "Uvunchenge uvwa (Yerusalemu umpya, uvunchenge uvukhwikha pasi ukhuhuma khulyanya kihwa Nguluve vango), neilitavwa lyango eilipy. ¹³ Ula uvei alei nimbulukhutu aleipuleikhe eilimenyu eilei eilyu u mepo ukhungheivula eimipelela.' ¹⁴ "Khu suhwa uva mupelela unghulei khu Leokadia simba: 'Amamenyu ngha mwene nghango Amina, vuvule uvei vakhuhuveilivwa hange intangeili ungholofu, umbaha nuvulonganchi vwa fyoni ifipeliwe nu Nguluve. ¹⁵ Neinchimanyile imbombo nchakho ukhuta uve saleinchinchimu hange suleipyufu, pu yale yiva huba uve nchin chinmu avyo uve pyufu! ¹⁶ Leino ulwakhuva uve uvufukhefu uleifukhefu na

vuvunchinchimu uleinchingchimu pusunonghile palyune leino punikhukhubeha mundomo nghwango unghu. ¹⁷ Ulwakhuva vviita, “Une neileikavi, neileineikhyuma khyukhingi pasanileinuvufumbwe vwa khunonghwa kheininie.” Pu leino sulumanyile ukhuta uve ulei nghanchu fincho yuve vusanghania, nulei nghanchu sawilola ubofwile amiho uleivubwinda. ¹⁸ Punikhukhutanga amasangho unghule khulyune ulutalama ulunonchivwe nu mwoto ukhuta puve ikavi, unya myenda eimivalafu eingding'aling'adeikha ukhuta pufwale yuve, pu lekhe ukhuvonia isoni incha vubwinda vwakho, ni mono incha khubakhala mu miho nghakho pu lolanghe. ¹⁹ Voni uvunivanghanile une nikhuvataneila nukhuvamanyisya, nukhuvavunga. Puleino unghimbange nukhupela inongwa. ²⁰ Lola niemile pandyango ni hodenchha. Ula uvei ipuleikha eilimenyu lyango vunihodeincha puangave ideindula undyango. Punikhwingeila khumwene nu khulya prinie numwene, navope paninie nune. ²¹ Ula uvei iva ndutu paligoha vei ula nikhupinchangha uvutama uvwa khutama paninie nune pakheinyalwangula, nduvu une neikhava nduti puneitamile paninie nu Daada vango pa kheinyalwanghula khyu mwene. ²² Ula uvei alei nimbulukhutu apuleikhanghe khila eikhyu u mepo ikhungheivula eimpalela.”

Sura ya 4

¹ Vugamalile ukhuvombekha aga lola pu

nikhavona ulwinchi lukhava ludendwikhe khukyanya. Eilimenu leila eilitanchi, lilikhunchova nune ngalape, leileikhuta, winche apa punikhukhuvonesya agakhiva gihumila aga vuya malile ukhuvombekha.” ² Pu akhaseikhi ndakhaleikhu punikhavona nilei mumepo punikhavona, eikhigoda eikhinyalwangula eikhya vuntwa khileikhukyanya pu umo atamile pakhigoda khila. ³ Umunu yumo uvei akhitamile aleikhuvonekha ndeiliwe lya yasipi nilya akiki. Nu lukangigulu lukhava luhinchungutile eikhigoda khila eikhinyalwangula eikhya vuntwa pulukha hwanana ndei khigoda eikhinyalwangula imbafu nchooni. ⁴ Ukhukhinchunguteila eikhigoda eikhya vuntwa khwale ni figoda ifinge eimilevolo giveili ni finne fikhinchungutile eikhinya lwangula eikhya vuntwa. ⁵ Ukhuhuma pakhigoda eikhya langh'ula eikhya vuntwa punchilikhuhuma imuli inchikuluma wita njasi, pwunikhanchivona inyale lekhela khumo nchi khwakha inyale nchincho nchu mepo lekhela khumo incha Nguluve. ⁶ Khange pavulongolo pakhinyalwanghula khyal vuntwa khwale nei nyanja yeiyo yenchembwikhe mbalafu wita khilolelo ewo khyovo. Avanu vooni ukhunchunghuteila eikhinyalwanghula valepwo avanya wumi vanne avadeinghile amiho khuvulonelo na khusana. ⁷ Eikhipeliwe khyumi eikhitanchi khyale ndeingalamo, eikhipeliwe eikhinge eikhya veilei eikhinya wumi khyale khihwani khyangwada, eikhipeliwe eikhumi eikhadatu

pamiho khyale ukhuta munu nunyawumi uvanne ale ndeingsimula yeiyo yipulukha eikyanya. ⁸ Ifipelewa ifinyawumi fila finne fyooni neikhinge na mapapateilo nakhikhinge na mapapateilo ntanato neikhinge ntanato, fili namiho mingi mukyanya na pasi mufyene. Safiduga ukhunchova pakilo na pamusi, fita “Weimbalanche, weimbalanche veintwa uNguluve unyamakha gooni uvei alekhwo uveipwale na leino leino nuveikhwincha.” ⁹ Emiseikhe ggyioni ifipeliwa ifinyawumi vufinchova uvuvaha, ulwimikho nukhusana pamihpa pa ula uveiatamile pakhinyalwanghula eikhyu nchooni pakhusita khusila lusikhu, ¹⁰ avavaha avanyapelela eimilevulu geiveilei nifinne pwu vaeileikhufunghafungha pamihpa mwa ula uvei atamiile eikhyinyalwanghula nukhumweimikha umwene uveitama ifinghono fyoni. ¹¹ Unogeile uve veintwa veito vei Nguluve veito, ukhyupeileila uvuvaha nu lweimeikho na makha, ulwa khuva uve wapelile ifinu ifipeliwe fyooni, hange na mbunonghwe vwaakho fyalepwo na fyapeliwe.”

Sura ya 5

¹ Nikhalola neikhavona mukhivokho eikhyakhundyo eikya ula uveitamile pakhinyalwangula eikhya vuntwa, eikalata yeiyo yeisimbiwe khuvulongolo nakhusana pwu eikalata eiyo yeikhava vakolekhile ifimanyeilo lekhela khumo. ² Pwu nikhabona usuhwa umbaha vuilumbeileila neilimenyu eilivaha, veeni anogile pakhuyivalula eikalata nukhung;

andula ifimanyeilo fya yene?” ³ Asikhuli umunu khukyanya yeive inkelunga umu yeive papasi pakhilunga uvei agelile ukhu dindula eikalata yeive ukhuyiemb. ⁴ Pwu nikhaleila mukhususuvala fincho pakhuva savonikhe umunu uvei anogile ukhuyeivalula eikalata hange nakhukhwimba. ⁵ Puleino umbaha yumo akhambula akhata khyomela, “Ukhuleila. Lola! eingalamo eiyankievumbukhu eikhya va Yuta, pakhikolo eikhya Daveite, veialuteilile, pu aleinamakha gankhuvalula eikalata, nukhung’andula natutukolekhelo lekhela khumo.” ⁶ Punikhavona pagahiti nagahti pakhiuya Iwangula navanyawumi vanne na mweene avo punikhavona avavaha va pelela, nikhambona ukhakolo eimile pwivonekha tumunu uveivabudile, ale nisugaha lekhela khupamato- na miho lekhela khupamoto incha Nguluve ncha suhiwe mukhilunga khyoni. ⁷ Pu akhaluta akhatola eikalata ukhuhuma mukhivokho eikhyakhunolyo eikhya ula uvei alamila pa khigoda eikhinyalwangula. ⁸ Avile atolile eikalata avanyawumi vanne navavaha vapelela (avagohgolo) emilevulu geiveile ifinne voni puvaleikhwinama impakha pasi pavulongolo pa nyakhakolo. Pu khila munu akhava ibite amagohumbwe nifisaye ifya lutalama fikhava nuvufumba uvudeigihle vwale wakhutuheileincha uwa nchunyiesayo incha veideikhi. ⁹ Valeikhwimba ulwimbo ulupya valeikhuta: “Unogihle uve ukhuyeitol eikalata nukhung’andula ulukolekhelo lwa yene. Ulwakuva waheinjiwe ukhaguhleila

Unguluve neikhyma khyankisa gwahkho avanu ava mufivumbukhu fyoni ninjovele nchoni ukhuhuma khuvanu vooni ni filungha fyoni. ¹⁰ Ukhavaveikha vave va Nkuludeva nu khuva vatekhenchi savula ya khumbombela Unguluve veito pu navene viva pankuludeva va khilungha.” ¹¹ Leino punikhalola vvingi vikhukhinchunguteila eikhinyalwangula eikhyavutwa - eimbaleilo yavo yale avamiloni 200, 000, 000 navanyawumi paninie nava vaha avapelela. ¹² Valeikhunchova, “Anogihle amakha nuvukavi, nuvukangafu nuwimeikhiwa ulugihnw, na lulusayo.” ¹³ Pu fyoni ifipeliwe ifyakhukyanya ni fyapasi pakhilungha na pavunchukha na pakhynja panyanja khila khinu mugati mukhyene khileikhuta, “Ulusayo ulugihewo, uvudwaadwa nuvu namakha ngaleinu mwene uveitama pakhigohda eikhinyalwa ngula pavulongonchi wa sikhu nchoni.” ¹⁴ Wenye uhai wanne wakisema, “Amina!” na wazee wakainama chini na kuabudu.

Sura ya 6

¹ Punikhalola neikhavona ukhakolo avile adeindwile eingadekhilo yeimo muchila lekhela khumo, neikhapuleikha umo muvala avanyawumi vanne aleikhunchova eilimenyu yeita, “Inchangha!” ² Vuneilolile punikhayivona eifalasi eimbalaful! Uveitonghile ibite ulutambo vakhapauluding’huleilo. Pu akhaluta khwilesya eikhihungha ukhuta akhilesye. ³ Pu ukhakolo avile apatwile apatwile

(akhakolekhelo) akhaveilei punakhapuleikha unyawumi uvaveilei vuita, “Inchangha!”

⁴ Pu eifalasi ekiyeinghe yeikhinchha yeikhava fuveifu ndumwoto. Uveitonghile vapile amakha nghakhupokha ulunonchehencho nkeilunga. Ukhuta avanu puvabudananghe. Uveitonghile uyu vapeile eilimundu eilivaha.

⁵ Eikhinghadeikhilo khila eikhyadatu puneikhapuleikha unyawumi uvadatu vuita, “Inchangha!” Puneikhayeivona eitalasi einitu nuveitonghile ibile eikhinghelelo mumavokho nghamwene. ⁶ Neikhapuleikha eingolo eimbaha eiya ula umo muvanyawumi aleikhuta eikhisula khimo eikyanganu, ni fisula fitatu ifya nganu khulutalama lomo. Puleino ulekhe ukhunanga imono na masilu.”

⁷ Puneikhavona adedwile akhikolokhelo eikhyone, puneikhapuleikha eilimenyu eilya munu unyawumi vnita, “Inchangha!”

⁸ Puneikhayeivona eifalasi enyanyekhe. Uveitonghile eilitawa lya mwene vevufwe nuvunchukha vukonghine numwene. Vavapile amakha pa khigavo khideebe eikhyakhilungha ukhubuda neimundu pu avanu valeikhufwa savuli ya fikanu ifyankilunga. ⁹ Pu ukhukolo avile adedwile eikhiko lekhelo eikhyahamo pasi paneikhavona paleinekhelo yakhutekhelela pale nei mepo ncha vanu avuvabudiwe savuli ya limenyu lya Nguluve hange na namamenyu unghuvanchovangha paninie nulweideikhho nuvukifu wavowoni. ¹⁰ Puvakhakolo eingolo eimbaha valeikhuta, “Puyiva impakha ndeili, veindonganchi vafyoni veimbaha, veigolofu

hange veivayeilweli, yavukhuvahaingha avitama pakhilunga nukhuvapela ukhuta vahomba unkisa gweito?” ¹¹ Puleino khila munu vapile umwenda na unghwanyingheileincha (unghwambombo) umbalafu puvakhavuliwa ukhuta panonghile ukhunghuleila padebe impakha yakhiva eikweilanile eimbaleilo eiyavavombi vayavo nava lukololwavo useikhi vunghufikhe unghwakhubudiwa navope nduvu avene vabudangha. ¹² Ukhukolo avile adeindwile eikhinghadeikhilo eikhya tamato paniekhavona eikhisenyenje eikhilindima fincho khinchile. ¹³ Eilinchova puleikhava litituwita linghuneila, pu umwenchi nghwoni nghukhava fuveifu wita inkisa. Inondwe ncha khukyanya nchilikhutumbukha pasi pakhilunga wita ndolo ncha kuyu vunghulanghancha isekhe nchanghwene ubeikhi vunghuhusanikha eimepo vuyikula. ¹⁴ Uvutandanche vwa khukyanya wita lyani la kalata vulinghunjiwa, ifyamba fyonifikha hama pupfyale nafifisiva fyope. ¹⁵ Pu avaNkuludeva voni avanilunga navana avidwadiwa, avalongonchi valigoho na vakavi avanyamakha na khila munu umbanda na yundenghefu (umbopolwa) vakhifiha mumanga. ¹⁶ Valeikhufivula ifyamba neiminalawe valeikhuta pumutunghwile mutufihe pa miho ngha ula uveitama pakhinghoda eikhinyalwangula. ¹⁷ Pakhuva leifikhe eilinchuva eilivaha eilya huvipo lwa mwene, veini uveikhwima?”

Sura ya 7

¹ Nghavile nghavombei angha nghooni puneikhavona veimile avahwa vanne mungutu chwinne visingha namakha ukhuta palekhe ukhuva neimepo eiyikuhunghuta mukhilunga, pa nyanja yeive pabeikhi unghwa veinchangha.

² Puniekha ona usuhwa uyunge veikhwincha ukhuhuma khuvuhuma walinchuva uveiale nei ngadeikhilo ya Nguluve unyawumi. Pu akhakola eingolo eimbaha khuyasuhwa vala vanne vavo vasevilwe amakha nuvulegefu wa khunanga eikhilunga nei nyanja: ³ “Muleikha ukhukhinanga eikhilunga nei nyanja yeive gyu mibeikha impakha yakhiva tumalile ukhuveikha ikhimanyeilo pafyeni fya muntwe gyavavombi va Nguluve veito.” ⁴ Puneikhapuleikha eimbaleilo ya vala avaveikhiwe eikhimanyelo khuhuma mukhivumbukhu eikyavenchangha muva Israeli vale 144, 000. ⁵ Pu avanu 12, 000 mukhivumbukhu eikhya Lubeni, avanu 12, 000 mukhivumbukhu eikhya Nghadi.

⁶ Avanu 12, 000 ukhuhuma mwa mbukhu khya Nafutali na mukhivumbukhu khya Manese vale 12, 000. ⁷ Avanu 12, 000 ukhuhuma mwa Simoni, 12, 000 mukhivumbukhu khya Alawi, na vanu 12, 000 vale vakhivumbukhu khya Isakhali, ⁸ Eikhivumbukhu khya Zabuloni, vale 12, 000 na mukhivumbukhu khya Yusefu, avanu 12, 000 mwa Benyamini avanu 12, 000 avaveikhiwe ifimanyeilo. ⁹ Vunghavombikhe angha nikhalola puneikhavona ukhuta khwale nei khipungha eikhivaha ekhavanu eikhu ansikhuli umunu unyakhunghela

ukhuvala ukhuma mukhivumbukhu eikhyavenchangha, munkilunga na munjovele nchoni,¹⁰ puvaleikhwovela fincho valeikhuta uvupokhi vulei nu Nguluve veito uveitama pakhinyalwangula eikhya vuntwa nukhakolo!”¹¹ Avasuhwa voni vemile mungutu nchoni puvakhinchunghutile eikhinyalwanghula eikhyavuntwa avavaha vala navanyawumi vanne vakhinama nukhufunghafungha pasi pa ng'anga pavulongolo pakhinyalwa nghula vuvikhumweimeikha Unguluve,¹² puvaleikhuta, “Ameni! Ulunghinwo, uvweimukhiwa, uluhala, nulusano, nuvudwadwa na makhafive nu Nguluve veito isikhu nchoni Khisita khusila lusikhu! Ameni!”¹³ Pu umo nuvavaha vapelela akhavuncha akhata vav vuvani avatwalile eimienda emivalafu eigyavuvombi hange vahumile ndakhu?¹⁴ Puneikhambula neikhata, “Ntwa vango, ulumanyile uve, “Vope pu akhambula une akhata ava vuva humile mumbutolwe uvwanjala imbaha fincho. Puvasukhile eimienda ngyavo punghivile mivalafu munkisa nghwa Nyakhakolo.¹⁵ Ukhukongana neilyo leino puvalei pavulongolo pamaho nghakhinyalwanghula eikhyavuntwa eikhya Nguluve puvikhumweimeikha nukhwisaya khumwene pakilo na pamusi mutembile ya mwene.¹⁶ Umwene uveiatamile pakyanya pa khinghoda eikhinyalwangula puitandaancha eihema ya mwene pakhyanya pavene. Savalayeivona njala lusikhu khive khyu khyumilwa khya magasi eilinchuva

salielavanghatancha, nghave nghumafukhe angha nghinyanya.¹⁷ Ulwakhava unyakhakolo uvaeli panghati na nghati pakhinalwangula pa iva veitekhenchi vavo, pu ikuvalongonchangha mukhindwivudwivu eikyamagasi ngha wumi, nu Nguluve puikhuva pulusyangha inyihonchi mumihonghavo.”

Uluvonekhelo ulwa 8

¹ Pu unyakhakolo avile adeindwile eikhikovekhelo khya lekhela khumo pu khukhava mye khukyanya museikhi akhadebe khasigalile padebe ukhukwila. ² Punikhavona avasuhwa lekhelakhumo veimile pamaho pa Nguluve, puvakhavapa eingalape lekhela khumo. ³ Usuhwa uyunge akhincha akhava ibetelile eikhisaye khya latalama khikhyo khileinuvufumba, pu eimile panekhelo. Puvakhapa uvufumba vuwingi ukhuta pwavuhenché paninie ninyeisayo ncha veideikhi voni panekhelo ya latalama pavulongolo pa khinghoda eikhinalwangula. ⁴ Eilyosi lya vufumba vula paninie ni nyeisayo ncha veideikhi, eilyosi leikhatongha khukyanya khwa Nguluve ukhuhuma mumavokho nghanuhwa. ⁵ U suhwa akhatola eikhihava khyakutuheileinchá eilyosi lya vufumba puakhokhola umwoto akhadeinchá ukhuhuma pakhitekhelo khya nekhelo pu akhalaheila pasi pa ng'anga puleikhakuta wita njasi vuyikuluma pa eikhilunga khikhalinelima. ⁶ Avasuhwa vala lekhelakhumo ava vale ningalape lekhela khumo pavakhava vakhunkuva leino.

⁷ Usuhwa utanchi akhankuva eingalape ya mwene pu eifula yeikhincha einyamanganga nu mwoto unghuhangile nu nkisa. Pu fikhikhinghava pakhigelelo eikhya luvafu uhunge eikhilunga khikha linchima na maani aminghu gakhayanga. ⁸ Usuhwa uvaveilei akhankuva eingalape paneikhakhivona eikhinu khivyukhuta khyamba eikhivaha khikhyo khipyu umwoto pukhikhalahiwa munyanja. Eikhinghavo khidebe akhya nyanja khikhava ndunkisa, ⁹ eikhingave eikhinge eikhya finu ifyumi fikhafwa ifyufyale munganyanja pu eikhinghavo khya ngalava inchinge nchikhanangeikha. ¹⁰ Usuhwa uvadatu puneikhyavona inkuva eingalape ya mwene, pu ulutundwe uluvaha lukhalapakha ukhuhuma khukyanya puyeileikhung'ala wita nyale puyeikhanghwa pakhinghavo khimo eikhya nghasi ni fidwivudwivufya magasi. ¹¹ Eilitawa lya lutondwe. Ulwa ukhilanghiwa luvavo ulukali fincho. Pu eikhinghavo khya magasi khikhava khinyamanghasi amakali, pa avanu vingi vakhafwa savuli ya magasi amakalinghala, ¹² Usuhwa uvanne pa akhankuva eingalape ya mwene, pu eikhinghavo khimo eikhyalinchuva nu mwanchisei khya nondwe khyope khikhatovi wa ukhuta yeive hisi. Pu eikhinsafyale nulumuli. ¹³ Puneikhala neikha puleikha eingesimula yeimo yeileva pagati nagati pakhilunga eikhya khukyanya puyeileikhunchova yeileikhuta, "Mweikhyole, Mweikhyole, Mweikhyole, Mweimutama mukhilunga savuli ya ngalape nchincho nchisigile ukhukuviwa navasuhwa

vadatu vavo vasinghile valei pakhunkuva leino.”

Uluvonekhelo 8

¹ Pu usuhwa uvahano puleino neikhavo na einkuva eingalape ya mwene. Paneikhaluvona ulutondwe ukhuhuma khukyanya eiyeiyanghwile pakhilunga. Einondwe eiyo vakhayeipa eikhideinduleilo eikhya linghuli eilitalee saleivonekha upaleidunghile. ² Akhadeindula eilinghuli eileisalisilo, leilyo saleidunghile pono, pu eiyosi leileikhutongha. khukyanya eiheindei ni heindei ukhuhuma mulinghuli, eilyosi eilyo lyale lincho. Pu eilinchuva nu vutandanche wakhukyanya pu fikhava hisi savuli ya lyosi leila eilinchito eilyahumangha mulinghuli. ³ Pu leino neikhavona nifivale fihuma mulyosi umwa pufilikhulanghala mukhilunga, fyope ifivale pufikhava namakha wita matenefu mukhilunga. ⁴ Pu ifivale fila fikhavuliwa ukhuta khyomela ukhuveyanga ni finu ifiteta nageimibeikhe gyoni, pumuve yanganghe vavanu vene vavo valeichila khikohekhelo (khimanyilo) kya Nguluve mufyeni fyavo. ⁵ Ifivale fila savafipe amakha ngha khubuda avanu pufyapevilwe uwene ukhuvanyanyameikha eimienchi nghihano. Uluvavo ulwavavangha lwale nduluvavo lwa matonefu vanghi huma avanu. ⁶ Mufinghono ifyo avanu valanonghwangha ukhufwa uvufwe savakhavuvonanhe. Valanonghwangwa ukhufwa pu uvufwe vukhuvankimbeilangha avanu. ⁷ Ifivale fya hwanine ndi falasi nchincho vanchitesaninche ukhuluta khulinghoha. Khumintwe gyafyene khwale neikhinu khivye

ukhuta ludeinghuleilo lwa lutalama pu ifyeni fya nchene fyale ukhuta munu.⁸ Fyale neinchwelile wita ncha vadala, pu amiho nghafyene nghale wita nghanghalamu.⁹ Eikhifava khya nchene khale ukhuta fifuva fya khyuma, eiminkuleile gya mapapaleilo ngha fyene nghalei khukuta wita mutukha inyingi inchalinghoha pu ifinge filikhukuta wita falasi vanchiluta khulinghoha.¹⁰ Ifivale ifyo fyale neimikeila einghiluma wita litenatu; munikeila gya fyene fyale namakha anghakhulemancha avanu valemale eimienchi geihano.¹¹ Vale nave ndu Nkuludeva vavo avasuhwa valinghuli eileisalidungha. Eilitawa lyu mwene mukhi Hebuli vita Abatoni pu khukhi Gilikhi vei Apolyoni.¹² Pu ulupavelo ulutanchi ulwakhuya lwakho ndume lukhaya hiluteile. Lola! Vuleisilile eilei khuleilyongomencho luveilei ulukhwincha.¹³ Usuhwa uvatanato akhankuya eingalape ya mwene puneikhapuleikha eilumenyu eileinge li huma muhusu ngha ulwakhitekhelo khya lutalama, mukhileikhelo eikhyakilwisayeila eikhilolama nu Nguluve.¹⁴ Eilimenyu leikhambula usuhwa uva ntanato uveiale nei ngalape, “Vavopole avo avasuhwa vanne avuvankungiwe, mulunghasi uluvaha ulwa Efulati.”¹⁵ Avasuhwa vala vanne avuvaveikhwiwe nukhuvatesania museikhi unghwa unghunonghelanile, pakhinghono eikhyo umwenchi unghwa, nu mwakha unghwa vavalekhile ukhuta pavavabude eikhinghavo khidebe eikhyavanu.¹⁶ Embaleilo yavo umuvavelile avalwa valinghoha avavale

pakyanya pafalasi vale 200, 000, 000. Puniapulikhe eimbaleilo eiyo. ¹⁷ Vulevule umumalolile munjosi nchango paninie navala vavo vaitonghile pa falasi ififuva fyovo fyale fifuveifyu ndu mwoto, ifinge fikhava, fya bluu ekiyeikolile fincho ni finge fikhava fya njano yeiyosayeikolile fincho. Eimitwe gya falasi gyahwanine ndeimintwe gya ngalamu, pu leino mumilomo gyavo nghuleikhuhuma umwoto, elyosi ly a khibili. ¹⁸ Eikhinghavo khidebe ikhya vanu vabudiwe na luvungu ulu ludatu: umwoto, elyosi, nei khibili eikhikhya humangha umwoto mumilomo gyavo. ¹⁹ Ulwakhova amakha ngha falasi nghale mumilimo gya nchene na mumikeila gya nchene—ulwakhova eimikeila gyanchene gyale wita nyandalwe pigyale neimintwe eingyugyapelangha ifikoho muvanu. ²⁰ Avanu avavasinghile vala vavo savabudiwe nu luvungu lula ludatu vope savapele inongwa nchavo einchuvavobile, hange savanghimikhe amanguluve, nifihwani fya mibeikhi, na hela ncha shaba na mawe ifisafilola nakhukhupuleikha yieve khyu khungenda safinghenda. ²¹ Hange savapele enongwa ya vubudi vwavo, uvuhavi vwavo, uvulinghu vwavo nei minghendele gyavo eigya vulyasi.

Uluvonekhelo ulwa 10

¹ Pu neikhambona usuhwa uyunge unyamakha pwikhwikha pasi ukhuhuma khukyanya akhava afwalile eiliveingo, hange khwale nulunkanginghulu pantwe nghwa

mwene. Pamiho pamwene pale ndeilinchuva pu amalunde ngha mwene nghale ukhuta bandaindembo ncha mwoto. ² Mukhivokho khya mwene akolile eikalata eindebe yeiyo yeivaluliwe, pu eikhilunde khya mwene ieikhyakhundyo akhava akanyile pakyanya panyanja pu eikhilunde eikhyakuheinghi akhava akanyile pakhilunga apaleivula nyanja. ³ Pu lieno akhava eilimenyu ulwangalamu umuyikulumeila, vuikhyova eilimenyu eilyo injasi lekhela khumo nchope pundikhakuhuma. ⁴ Vunchikuhuma akhavaleilo akhakhusimba khakhava khahenghelile puleino niekhapuliekha eilimenyu ukhuhuma khukyanya eiliita, “Uveikhe munumbula ulekhe lekhela khumo nchinchovile pu ulekhe ukhusimba. ⁵ Pu usuhwa ula uveiniambwene eimile pa nyanja na pakhilunga pu aleikhwimeikha eikhivokho khyamwene eikhyakhundyo aleikhukhiloncha khukyanya ⁶ pu akhijyingha mwula unyawumi pakhusita khusila lusiku, umwene uvei apelile khukyanya ni finu ifyumwufile, na khikhilunga ni finu ifyumwufile nie nyanja nifinu ifili munyanja, pa khuta sapakhave nakhaseikhi pa inchi vunchimalile ukhuvombekha. ⁷ Pu lieno mukhinghono khila vuusuhwa uva lekhela khumo yakhiva iva pakutengula ukhunkuva eingalape ya mwene, pu khuvutitu incha Nguluve punchilava chisilile nduvu walumbeilile khuvavombi vamwene avanyamalangho. ⁸ Eilimenyu eilyuniapulikhe ukhuhuma khukyanya leikhambula une

ukhuta luta ukhatola ngha yeila ekiyeivaluliwe eiyilimu mavokho ngha suhwa ula uveiemile pakyanya pa nyanja hange napakhilunga.”⁹ Puneikhaluta khusuhwa nukhumbula ukhuta ame eikalatayeile. Pu akhata, “Khulyune tola eikalataeindebe eiyo ulye puyikhukhupelangha uluvavo mulitumbu lyakho. Pu mundomo nghwakho yiveinchangha nonu ukhuta wukhe.”¹⁰ Punikhata eikalata eila ukhuhuma mukhivokho khya suhwa ula. Punikhlyya khupe khikhava khinongha wita wukhe mundomo nghwango, puniavile neimalile ukhulya eikalata yeila pa eilitumbu lyango leikhava nuluvavo.¹¹ Pu amamenyu maninie nghakhambula akhata, “Unonghile ukhunchova uvulanghuchi hange pavantu na pa khilunga na munjovele na muvankuludeva avingi.”

Uluvonekhelo ulwa 11

¹ Vamile ululanji ndulubeikhi ulwakhunghelela eikhinghelelo. Pu umo akhambula akhata, “Eima ukhagele eikhinghelelo eiyakhutekhelela, pu na vala vavo vikhisaya munghati.”² Pu lieno ulekhe ukhunghela khunji khuluvanja lwa tembile, ulwakuva ukhwa khwa vanu Avakaya. Vuvene vasevilwe khunji ukhwa puvikhuvukanyangha uvunchenge uvuvalanche paseikhi neingheiveilei.³ Puyanikhuvapa avatangeili vangho avanyamakha vaveilei avakhutenghuleila khuseikhi unghwa finghono ualufu umo navamia vaveilei 1, 260, neimilevulu ntanato puviva vafwalileifinkutulo mumiveilei

Ufunuo Uluvonekhelo ulwa 11:4 xxvi Ufunuo Uluvonekhelo ulwa 11:10

nghyavo.” ⁴ Avatangeili ava nghyumimbeikhi nghya mavono nghaveilei ni nyale eiveilei ifyu fyeimile pavulongolo pa Ntwa uvakhilunga khyoni. ⁵ Pu einave umunu yuyoni eilamula ukhuvalemencha pu umwoto nghuhumangha mumilomo nghyavo nukhuvalemancha avalunghu vavo. Pu ula evelonda ukhuvabanda payalusutu abudiwe ndavule. ⁶ Avatangeili ava valei na makha anghakhudeinda khukyanya ukhuta eifufula yeilekhe ukhutima ifinghono fila yeilekhe ukhutima ifinghono fila ifyaseikhi unghuvaleipakhutenguleila. Valeinamakha anghakhuhambula amanghasi nghave inkisa pakhukhivunga eikhilunga khunjila ya mavungu anghaleipapeingi paseikhi nghula unghuvanonghilwe. ⁷ Yakhiva viva vamalile ukhuncho uvwayeilweli vwavo, pu eikhikanu khila eikhihuma mulinghuli eilitali saleivonekha upuleidunghule puivenchangha neilinghoha navene puleino ikuvaluteila nukhuvabuda. ⁸ Pu eimifimba nghyavo punghinghonangha pa vunchenghe uvudebe muvunchenghe uvuvaha (uvunjenghe vuvwa mukhihwani vuwanine nakhu Sodoma nakhu Misili) upu Untwa vavo avunkuvilwe. ⁹ Pu navanu avakhikolo eikhyo nei khivumbukhunei njovele neikhilunga puyavilolangha akhadebe hange savakhanghilekhe eimifimba nghyavo ukhunghiveikha mumbanghuli. ¹⁰ Vala vavo vitama pakhilunga puyavihovokha savali yavo nukhuhekha fincho, puyavisuhei lamilangha eifyakhupenchna savuli yavo avanyamalago vala vaveilei vavavunghile

Ufunuo Uluvonekhelo ulwa 11:11 xxvii Ufunuo Uluvonekhelo ulwa 11:16

vala avalamangha pakhilunga. ¹¹ Pu leino pa seikhi unghwa finghono fidatu nu seikhi udebe pu umwuya nghawumi ukhuma kwa Nguluve puyanghukhwinghila mumbene pu navope puyavikhimangha na malunde nghavo. Pu vuvenchangha na vala vavo vikhudwada fincho puvuvenchangha na vala vavo vikhuvavona. ¹² Pu lieno puyavipuleikhanga eilimenyu eilyangolo ukhuhuma khunyanya eilikhuavula ukhuta, “Mwinchange khunu!” Pu avene leino puvilutama na khukyanya mundiveingho, paseikhi unghwa vatavangha vavo vuvikhuavona. ¹³ Pa seikhi nghunghunghwa pukhuvenchangha neikhisenyenghe eikhidwancha pakhilungha pu eikhinghavo khimo pakhinchingo khyavuuchenge khikhwangha, khikhasingala khyavuuchenghe budeikha khumo. Puvakhafwa nekhesenyenghe eikhyo vukhilindima vnu avlufu lekhela khumo (7,000) puvala avasinghile vumi valemumbundwanchi vakhamwimikha nukhunghinia Unguluve uvakhukyanya. ¹⁴ Pu ulupaveilo ulwaveilei ulwita. Yoova! Lusilile lusinghile ulwakhuta yoova! ulwadatu lukhincha mbeiveimbeivei. ¹⁵ Puu leino usuhwa uva lekhela khumo akhankuva engalape ya mwene, pu eingolo eimba yeileikhunchova khukyanya yiita, “Uvuntwa vwa khilunga wooni puvuvile vuntwa vwa nkuludeva veito uYeisu Kilisite uva mwene. Pu vope pu ivenchangha nkuludeva isikhu nchooni pakhusita lusikhu.” ¹⁶ Pu avavaha vapelela(avanghongholo) emilevuli ngiveilei na vanne vavo vatamile

Ufunuo Uluvonekhelo ulwa 11:17 xxviii Ufunuo Uluvonekhelo ulwa 12:3

mufinghoda ifyavunyalwanghula pamaho pa Nguluve puvakhanghwa pasi puvalei khufunghafungha punanunchimbumila nchavo nchilikhulola pasi puvaliekhumweimikha nukhwisaya khwa Nguluve. ¹⁷ Valeikhuta, “Tusana fincho khulyuve veinkuludeva vei Nguluve, veinddonghonchi va finu fyoni, vei uve pyule na uve vwale khwo, ulwakhuva uli namakha nghakho amingi na hange puwandile nuvulonganchi vwa vunkuludeva vwakho. ¹⁸ Avakaya vavipile pu leino uluvipo lwakho lukhwincha. Useikhi ngufikhe khuvala avafwile ukhuheinghiwa nuve nukhuvhahomba uluhombo avavombi vakho avanyamalangho, na vavalanche vakho avikhuleidwada eilitawa lyakho avadebe navavaho nghufikhe useikhi ungwakhuvayancha avikhukhiyancha eikhilunga.” ¹⁹ Punikhavona leino eitembile eimbalanche eiya Nguluve khukyanya yeikhavonekha neilisandukha eilya lweideihano lwa mwene leikhavonekha munghati mutembile ya mwene. Khwale nu muli khya njasi, eikhisenyanghe khya khilunga neifula ya mawe.

Uluvonekhelo ulwa 12

¹ Pu eikhihwani eikhivaha khikhavona kha khukyanya: udala uveiafwalile eilinchuva pu akhava numwenchi pasi pamalunde nghamwene; na pakyanya pantwe nghwamwene paleiludinguleilo lwa nondwe eikhinchingho neiveilei. ² Pu umwene ale muluvavo uluvaha fincho ulwakhuhola umwana. ³ Eikhihwani eikhinge khikhavonekha

khukyanya: Einyato! Eimbaha fuveifu puyale naimitwe lekhela khumo neisungha khinchincho, mumitwe nghayayene yafwalile undinghuleilo lekhela khumo. ⁴ Unkeila nghwa yene nghuleikhulunduncha inondwe ncha khukyanya eikhinghavo khidebe. Nukhunchinghweisya pasi pakhilunga. Einyato ya eimile pavulongolo pa dala aviakhaseikhi khakhuhola khahenghelile, ukhuta vuihola einyato pu yeimile umwana va mwene. ⁵ Pu akhahola umwana, udeimi, uvei uyu ayiva ndonganchi va filunga fyoni ilongochangha nulubeikhi lwa khyuma. Pu umwana vamwene apeimbiwe ukhuta khukyanya khwa Nguluve pakhinghoda khyia mwene eikhinalwanghula, ⁶ pu udala ula anyilile khulunkungu, khukhwa Unguluve atesaniche aponu apakhuva umwene, ukhuta pwatangheililiwe mufinghono ualufu umo na vamia vaveilei neimilevulu ntanato (1, 260). ⁷ Pu leino kwhale neimbancha khukyanya. Umikaeli navasuhwa vamwene valwile neinyato yeila; nei nyato eila eimbaha avasuhwa va mwene valwile nayo. ⁸ Pu einyato sayale na makha angha khukwila pakhuluteila eimbancha eila. Pu leino sakhiwale nuvutano khukyanya uvwakhutama einyato yeila na vasuhwa vayeine. ⁹ Einyato eimbaha - yeile einyato ya khatale eiyikhilangiwa undunghuewo utavanghwa uveisyovelehania avanu avankilunga khyoni pwakhalahiwa pasi pakhilunga - navasuhwa va mwene vakhalahiwa pasi paninie na mwene. ¹⁰ Pu leino neikhapuleikha khange eingolo ukhuhuma

Ufunuo Uluvonekhelo ulwa 12:11 xxx Ufunuo Uluvonekhelo ulwa 12:16

khukyanya eiyiita: “Leino uvupokhi winchile namakha nuvuntwa vwa Nguluve veito nuvuvala vwa Kilisiete va mwene. Ulwakhova unghinghi vavalukololweito atangiwe pasi - uveiakhanchongeolangha ifinghono fyoni avayeito aleikhuvanchonghela khwa Nguluve pakilo na pamusi. ¹¹ Puvakhanduteila khumakha nghankisa nghwa nyakhakolo na khulimenyu eilya vulumbeileili vwavo, ulwakhova savanonghwe fincho eimitameile nghyavo nukhufwa. ¹² Puleino, hekhelangha, umwemweikyanya, namweivoni mweimutama nghati tuyene. Puleino lwakho uve veikhilunga nei nyanja ulwakhova uvulinghu wikhile khulyumwe. Pu adeinghile naluvipo fincho pakhuva alumanyile ukhuta aleimuseikhi adebe vavule. ¹³ Vu einyato yavile yeilumanyille ukhuta yeitanghiwe pasi pakhilunga, payeikhakhongha udala uveiaholile umwana udeimi. ¹⁴ Puleino udala akhapewa amapapatiilo nghaveilei angha ngasimula eimbaha, ukhuta puyeipululukhanghe impakha baho patesaniwe savali ya mwene khulunkungu, apona papo ale iloleliwa paseikhe neimiseikhi na khasukhi akha singhalile, aponu upusayinghela ukhufikhaeinyato eiyo. ¹⁵ Einyato ya funyile amanghasi ukhuhuma mundomo nghwayene wita lunghasi luvaha, ukhuta pulupele ulyonghomenco ulwakhumwongomencha. ¹⁶ Pu leino ikhulumga khikhatanga udala. Ikhilunga khikhadeindula undomo nghwa khyene nukhumila ulunghasi ulu einyato ya funyile ukhuhuma mundomo nghwa yene.

¹⁷ Pulaino einyato yeikhameipeila udala puyeikhahengha ukhuluta khwilwa eimbancha neikhivumbukhukhya dala ula khyoni - vala avikhunchi konga indangheilo ncha Nguluve nukhu bateileila elimenyu eilinchoviwa eilya Yeisu Kilisite. ¹⁸ Pu einyato yeikhima pakyanya pang'anga unghwa ndukanji munyanja.

Uluvonekhelo ulwa 13

¹ Puleino neikhavona eikhikanu vukhihuma munyanja. Khyale nisungha khinchingho, eimitwe lekhela khumo. Musungha ncha khyene khwale ni ndinghuleilo khinchingho, pu mutwe nghwa khyiene mwale na mamenu ngangho nghibeingha khwa Nguluve. ² Pu eikhikanu eikhyuneikhivwene khivyukhuta liduma. Amalunde ngha mweimba, undomo nghwa khyiene nghwale ndunghwa ngalamu. Einyato yeila puyiekhakhipa eikhikanukhila amakha ngha yene neekhingoda khyalwangula na makha nghumingi anghavulongoji nuvuvaha. ³ Utwe nghwa khikanu khimo mufila khileikhuvonekha ukhuta khileineiikhikoho eikhya vufwe khukhyene. Puleio eikhikoho khila khikhapona pu nakhi khilunga khyoni khikhadengha pu khikhava khikongha khukhikanu. ⁴ Hanga puvakhava vikhuyimikha nu khwisaya khunyato, pakhuva ayiepile amakha ukhikanu ula. Puvaleikhwisaya khukhikanu nukhuta, “Veeni uvalei ndeikhikanu eikhi? Hange “Veeni ayilwa nakhyo?” ⁵ Pu eikhikanu khikhapewa undomo ukhuta khinchove amamenyu amanchitu. Anghakhubeingha Unguluve

nangakhwinginia. ⁶ Puyikhava nuseikhi nghwavuvaha nuvulonghonchi eimienchi eimilevulu nghanne neinghiveilei pakyanya. Puleino eikhikanu khikhabungula undomo nghwa khyene pukhikhanja ukhulengetula amamenyu amanchitu anghanghikhubeingha Unguluve, panifie nukhudukha eitawa lya Nguluve nuvutamo vwamwene panifie navalava avavitama khukyanya. ⁷ Eikhikanu khikhava nuvuvopolwa uvwa khulwa eimbancha navavalanche pu nukhuvatola. Hange khikhava nuvuvaha pafivumbukhu fyoni navanu na pa njovele nxhoni ni khilungha khyoni. ⁸ Pa avanu voni avavitama pakhilungha vikhulyimikhangah eilikanu eilyo, pu ula yuywa eilitawa lya mwene saleisimbiwe, mukalata ya vyakhakolo ukhuhuma eikhilungha vukhipeliwa, hange ukhakolo uvei aheinjiwe. ⁹ Pu umunu angave aleinimbulukhutu apuleikhanghe. ¹⁰ Pu eingave umunu eikhuvankunga avanu vo veinkunghiwanghwa. Pu eingave umo ibudangha neimundu vope eibudiwanghwa nei mundu. Pu apa pupaleinukhwiyumeleincha nulweideikho lwa vala avangholofu. ¹¹ Pu khange nikhaleivona eilikanu eileinge likhwincha ukhuhuma mukhilunga. Eilikanu eilyo lyale ni sungha eiveilei wita ng'osi pu nakhukhunchova wita nyato. ¹² Pu eilikanu leila leileikhuvombela uvuvaha na makha nghoni angha nyato, pualeikhuvapela avakhilungha ukhuta veisayanghe khulikano leila eilyakhatale eilitanchi leilyo eikhikolo khyalyene khiponile. ¹³ Pu eilikanu leila lyope puleikhavomba

Ufunuo Uluvonekhelo ulwa 13:14 xxxiii Ufunuo Uluvonekhelo ulwa 14:1

ifideengho ifinyamakha, pu eilikanu heikhapela numwoto ukhuhuma khukyanya pamaho nghavanu,¹⁴ pu khunjila ya fideengho eilikanu lyale nuvuvopolwa uvwa khuvomba ifideengho, puleikhavasyova avanu vavo vitaama mukhilunga, pu eikhikanu khila khileikhuta vapelanghe eikhihwani eikyakhukhidwada nduvuvidwada nukhukhyimeikha eikhikanu khikhyo vakhileminche nei mundu pu leikhava lipitama eilikanu eilyo.¹⁵ Lyale nuvuvopolwa uwakhuleipa umwuya nghwa vwumi mukhiahwani khila eikhipeliwe ndeilikanu pu eikhihwani khila khive namakhanhga khunvhova nakhuta vala voni avuvabeilie ukhwisaya khulikanu vabudiwanghwe.
¹⁶ Hange puleileikhusuluteisya khila munu umbaha nu deebe, avatayeili navanghanchu, avalenghefu avavolwa navavanda ukhyupeileila eikhimanyieilo mukhivokho eikhyandyo avange pakhivokho eikhyaheinghi avange pa mbulmeila ncha fyeni fyavo.¹⁷ Pu akhalangheila ukhuta umunu uveavenchangha alekhe ukhunghuncga yeive khunghula, pu ula mwene uvei aleineikhimanyieilo khya likanu, pu eiyie yu mbaleilo yeiyo yevonia eilitawa lya yene.¹⁸ Apa pilonda ukhuva nuluhalo. Eingave yuyoni aleinuvumanyu, mundekhe avombe embaleilo ya mbaleilo ya khikanu. Embaleilo ya yene yu eiyei avamia ntanatonimelevulu ntanato na ntato pa kyanya 666.

Uluvonekhelo ulwa 14

¹ Nalolileele niekhuvona unkihakholo

eimiele phavulongholo phalyune phakyanya pha kyamba eikya Sioni. Pwu phaninie navanu 144, 000 avanyalie ntawa ilya Dadaye liesiembewe phafyeni ifya vene. ² Pwu nikha-phulikha eiliemenyu ukhuhuma khukyanya ndhamanghasiaminghi anghikwovela nie nchasi ieyiemuliekha nukhuokhuluma. Elielimenu eilyaphuliekhikhe lyakhwanine nie liemenyu eilyuvietova ifie wie wie vuvietova ifi wie wie ifyavene. ³ Nukwiemba ulweimbo ulupyä phavulongholo phakhinghodha eikhya vuntwa, na pavulongholo pa vumu vanne, na vala avanghongholo. Akhava asiphuli umunu yuywa akhiemanyile ukhumanyila, ulwiembo lula, aphanghe vala 144, 000 vavo vanghuliwe mukhielungha. ⁴ Avo vuvavo savaviekhiewe uvuvivinavavadhala, ulwakhuva savavamanye avanghos. Avo vuo lienkunkhonghaukhakholo ava vuvene vaphokhiwe ukhuhuma khuvanu vuvavo vale nchusekhe ienchakhutenghula ukhuma khwa Nguluve na khukhakholo. ⁵ Hange mumilomo eigyavene sawavonekle uvudhesi; ulwakhuva valie vuvule uvuvivie. ⁶ Pwu niekhambona unsukhwa uyunghe ietogha phangati khukyanya, yuywa alie nululaghielo ulunonu ulwakhuvavula avanu avietama mukhielungha khila khilunga, eikhiekholo, einjovele, na vanu. ⁷ Akhaghimba ukhuvielangha, “Mundwadaghe Unghuluve mphinchaghe ulughienio. Ulwakhuva unsiekhie unghwa vukhieghi ghuheghelile, mwiesayaghe khumwene, umwene vyapelile khukyanya, nie nyanja,

Ufunuo Uluvonekhelo ulwa 14:8 xxxv Ufunuo Uluvonekhelo ulwa 14:13

niefi dwivudwivu ifya lughasi.” ⁸ Unsuhwa uyunghe - unsuhwa uvavieli - akhankhongha akhanchova, “Ugwiele, ugwiele vibabeli viembaha, yuve ukhavapha vakhanywa avaphanchi uvughiembe uwa vulieghu, uvughiembie vuwa vukhaghegha uluviepho khumwene.” ⁹ Unsukhwa uyunghe - unsuhwa uvahdatu - akhavankhongha, akhanchova khulimenyu eilivaha akhata, “Yuywa akhiva aisana khukhikhanu nie khiehwani kyamwene, nukhwupililela iekhiemanyelo pakyeni kya mwene aphangha pha khievokho, ¹⁰ umwene viayienywa uvughiembie uwa luviepho ulwa Nguluve, uvughiembe vuwa vavuviekhiele nukhudhudiwa, vusavahanjincha mukhiekhombe eikyalioyo eilyamwene. Umu yuywa akhiva iywa atatabiekha khumwoto numwoto ughwa khiebiliti phavulongho phavasuhwa avamwene avavalanche na phavulongho pha kakolo. ¹¹ Nei lyosi eilyaluavo ulwavene pwu luluotagha khusila lusiku (salulasila) - hanghe savakhave nunsieksi unghwa khughatalukha phamusi na makhielo, vavo viesana khukhiekhanu niekhiehwani kyayene, khila munu yuywa uphiele eikhiemanyilo eikyalietawa eilyamwe. ¹² Uluo lwielangho ulwakhuphulikhila ulwavavalanche, aviekhunchibhata iendagheiloncha Nguluve nu lwiedhiko ulwa Yesu.” ¹³ Naphuliekhe alimenyu ukhuhuma khukyanya liliekhunchova, “Usimbe inchi: Huba ukhuhuma lieno avafwile avifwile mu Ntwa. “Ene, “Ienchova umepo, “Pwu vaghatalukhaghe

Ufunuo Uluvonekhelo ulwa 14:14xxxviUfunuo Uluvonekhelo ulwa 14:20

vuvamaliela mumbukhuvila uwawene, ulwakhova iembombo nchavo nchinkho nchinkhonghana na vene.”¹⁴ Niekhala niekhavona eiliveingho ieilivalafu, nuvatamiele phaliveingho alieyumo alikhiehwani ndiekya munu. Ale nuluduliekho pantwe ulwa sahabu nie mundu eiyietema mukhievokho eikyamwene.¹⁵ Unsuhwa uyunghe akhincha khanghe ukhuhuma khuntembiele pwu akhielangha khumakha ukhuluta khuyoywa atamiele pha maveingho: “Utole eimundu yakho utenghule ukhubena ulwakhova unsieksi ughwa khubena ghufikhe, ulwakhova uvubenai uwankielungha vundhulwikhe.”¹⁶ Hanghe ula uvyakhatamile khumaviengho, akhaghendhinche eimbundhu ieyamwene mukhielungha, nie khielungha khikhabeniwa.¹⁷ Unsuhwa uyuonghe akhincha ukhuhuma khuntembiele eiya khukyanya, vophe ale niemundu eiyietema.¹⁸ Nu Nsuhsua uoyunghe akhincha ukhuhuma khukhietekhelelo, nu nsuhwa yuywa ale nukhulamula ukhuloncha khumwoto. Akhamwiekingha unsuhwa yuoywa ale nie mundu eiyietema, “Utole eimundhu eiyietama ulundamanie amaswatu aga msabibu ukhuhuma munsabibu ugwa mukhilungha, ulwakhova lieno iesabibu nchindulwikhe.”¹⁹ Unsuhwa akhahielikha eimundu ya mwene khukhielungha pwu akhalundhamania uvubeni uwa sabibu incha nkielungha pwakhalaha mundighuli eilivaha eilya vughiembie uwa lyoyo eilya Nguluve.²⁰ Eikhiesekheselo eikyavuughimbi

liekhantwangiwa twanghiwa khunje khukhilungha, unkhisa ghukhadhudhekha ukhuhuma khukhyume, eikya falasi, uvutali uwa stadia 1, 600.

Uluvonekhelo lwa 15

¹ Hanghe nikhakhivona eikhenghe iekhiemanyielo khukyanya, eikhievaha hanghe kyakhundwancha; khwale navasuhwa saba vavo valienifivuongheilo saba, fifuvo fikhale fivuonghelo fya khumalila (Mwifwo eilyoyo eilya Nguluve liekhava lienkonghiwe).
² Niekhakhivona khikyo kyahumiela ukhuva nyanja eiyakyova eiye hanjinie nu mwoto, pwu yiekhima palunkhanji pa nyanja, uphuvakhale vala vavo vakhawesinche avie huma khukhiekhanu, nie kchiekyani kyayene, na khumbalielo iya litawa eilyamwene, vakhiemie khulukanji khunyanja eiyakyovo, avanyafiwiewie ifya Nguluve. ³ Avene pwu valiekwiemba ulwiembo ulwa Mose, unsuhwa va Nguluve, nulwiembo ulwa mwana va khakholo: “Valiekhunchova. Valikhuta, iembaha inchakhudhegħha, imbombo nchakho: Ee viekhuludeve Nguluve, viemwiemekhiewa, jayieli, nchalweli, ienjile nchakho, ee vientwa vavanyaphanji. ⁴ Vei veni yuoywa ayielemwa ukhukhudwadħauve Nkhuludheva nu khulieghenia eilitawa lyakħo? ulwakhua yuve vemwene veve uliembalance. Ifulingha fyoni filiencha pwu fikhukhughiniagħha phavulongħolo palyuve ulwakhua uve ulilei nonu nie imbombo nchakho nchivonikhe

Ufunuo Uluvonekhelo lwa 15:5 xxxviii Ufunuo Uluvonekhelo ulwa 16:3

pavuvalafu.” ⁵ Vunchielutile iencho niekhalola, uluvalafu uluvalanche upwu lyale phuliele eilyeve eilyakhunchovela, lielyo lyaandhiendhukhile khukyanya. ⁶ Ukhuhuma pa luteliele uvuvalanche vakhiencha avasukhwa saba nie bakhuli saba incha sahabu ienchiedhieghiele nafwaliele eimyiendha eikyakhitan iekhienonu eikhi ng’ala vankunghiwe mufifuva iendheghe incha sahabu. ⁷ Pavala vane akhahumila yuomo unyawumi akhavavapha avasukhwa saba ifiedhiendhulio saba ifya sahabu, fiedhieghiele uluviepho ulwa Nguluve, yuywa mwumi khusila lusikhu. ⁸ Ei Ntembiele yiekhadhigha eilyosi eiliehumile khuvuvalanche uva Nguluve nuo vuvaha uwamwene. Pwu akhava asiphali umunu uveiwesya ukhwinghila munghati muntembiele, eimphakha upwu akhieva lwiesila uluvunghu saba ulwa vasuhwa vala saba.

Uluvonekhelo ulwa 16

¹ Niekhaphuliekha elimenuy ukhuhuma khuntembiele, liliekhuvavula avasuhwa vala saba, “Mulutanghemukhadhudheliele ifidhiedhulielo fila saba ifa luviepho ulea Nguluve mukhilungha.” ² Akhaluta yuywa ataliele akhalahiela iekhidhiedhulielo eikyamwene munkhilungha; pwu phakhava nielieilanchi eilivaha eilivivi khuvanu vala vavo vala niekhiemanyielo eikyakhikhanu, na khuvala vavo vasanagha khukhiekyani eikyayene. ³ Uvavieli akhalagha eikhidhidhulilo eikyamwene munyanja; pwu ghukhava nkisa ndhukhisa ugwa vufwe, nie finu

Ufunuo Uluvonekhelo ulwa 16:4 xxxix Ufunuo Uluvonekhelo ulwa 16:12

fyoni ifinyanumbu eiyawuomi munyanja fikhafwa.⁴ Vope uvadhatu akhalaha akhalaha eikhiendhulielo kyamwene munghasi na mufie ndwiwudwiwu ifya lunghasi; pwu ghukhava inkisa.⁵ Une pwu niekhamphulika unsuhwa uvalunghasi, "Nchova uve vie nyalweli yuve kyule hanghe uyuwievha khwhole vilembalance ulwakhu ng'ieghile eiwo.⁶ Ulwakhuva uadhudhile unkisa ughwaavalanche nughoa vanyamalagho, nuve uvaphie unkisa vanywe, vophe viedhikhe."⁷ Pwu nikaphuli pa khietekhelelo phienchova, "Ena! Ntwa Nguluve vinyavuntwa, uvuhieghi wakho."⁸ Unsuhwa uvane akhadhudhielila eikhiedhiendhulielo kyamwene phakyanya palienchuva likhatavuliwa ukhuvanyanya avanu khu mwoto.⁹ Vanyanyiewe nie lifukhe eilikhali eilindhwancha, pwu valiekhubedhe eilimenu eilya Nghuluve, uvyalienamakha undamuli va luvunghu uolwa hanghe savapheliele vakhalemwa ukhupha ulughinio umwene.¹⁰ Unsuhwa uvahano akhadhidha ukhuhuma mubakhuli yamwene pha khliekhanu, nie khisiyekhaghriebekha uvuntwa uwa mwene. Pwu valiekhuluma nukwieheveta amino khuluvavo ulukhali.¹¹ Pwu vakhadhukha u Nguluve uva khukyanya ulwakhuva vale nuluvavo nifikhoho ufyuvale nafyo, pwu savaliekhunonghwa ukhuphela khumbombo unchuvavombiele.¹² Unsuhwa uvasita akhadhudheilida ukhuhuma mundibakhuli eilyamwene khulughasi uluvaha ulwa, Flati, na maghasi ghakhuma ukhuva einjiela

Ufunuo Uluvonekhelo ulwa 16:13 xl Ufunuo Uluvonekhelo ulwa 16:19

yakhughenda avantwa vavo uyuviehuoma khuvuhuomo uwa linchuva.¹³ Niekhanchivona enumbula eidhatu iembivi nchikhavonekha ukhuta malyola vughiehuma mundhomu ughwa njokha, eikhiiekhanu khiela, nu nyamalagho ula uvavudhesi.¹⁴ Nchunumbula iencha mepho ienchivomba iefmanyielo nie fiedhegħo, valiekhuluta khu nkuludheva uvakhielungha kyoni pwu unkunkhongha uvalundamanie pwuphanienie khulighiha khulienchuva liela eilivaha ielya Nguluve unyavuntwa.¹⁵ (“Ulole! niekwincha nduo ndyasi itouba! Uvieighonesya, nukhulolela eimyendhagħa mwene alekhe ukhughenda vubuna na vanu viekhunchivogħha isoni nchamwene.”)¹⁶ Vuvagheghiela voni aphonu upwavita khukkie eblani Amagedoni.¹⁷ Unsuħwa uva saba akhaddrudha ukhuhuma mubakhuli eiyamwene khu kyanya. Pwu likhaphulekhiexha eilimenyu eilivaha ukhuhuma pha vuvalanche nukhuhuma phakħiegħodha eikyavuntwa, yeliekhunchova, “Yeisiliele!”¹⁸ Pwu yielexhum liekha einjasi pwu lulie khuvonekha ulumuli ulwa njasi, ukhunkhuluma, ukhuliendi ma einjasi, neikhiesenyengħe eikhiedwancha, ekhielungha kħiekkatetema finċo umusa nkhighela khieteteme ewo eikhielungha ukhuhuma umunu vupwale mukhielungha, uvulyaveliele lievaha ukhulutielila.¹⁹ Uvunchengħe uvuvaha vukhaghaxeikha ifiphande fidhatu, nu vunchengħe uwa vantengħe vukhaghwa. Unguluve pwa akhankħumbusya u Babeli umbaha, pwu akhavupha uvunchengħe

ghule uvughiembe ukhuhuma khuluviepho ulwamwene ulukhali. ²⁰ Khiela khiesiva khiiekhayagha nie fyamba safyavonekhe khavieli. ²¹ Eifula eimbula eiyamawe, yekhava nuwunchietu wa talanta, yeikhiekha ukhuhuma khuokyanya khu vanu, pwu valiekhundughula Unghuluve khu luvungho ulwafula iyamawe ulwakuva uluvungho luola lyale luvievi ukhulutielila.

Uluvonekhelo ulwa 17

¹ Muvasuhwa saba yuomo uvieale nifidhiendulilo akhiencha alikhumbula, "Wienche, neikhuvonesye uvuhieghi uwa ndieghu umbaha uveitama pakyanya pamaghasi aminghi, ² yuywa avavaha avakhuludheva ava khielungha vavombiele ienongwa iencha vuolieghu numwene avaghanchienche nuvughiembie uwavulieghu uwa mwene avietama mukhielungha vaghanchiwe." ³ Unsuhwa akhanola mu Numbula akhanchikhumbekha khuludhasi, pwu niekhambona undhala atamile pakyanya pakhiekhanu eikhiedhuhu unkhulutilila, uviadchieghile amataw agha madhusi. Eikhiekhanu kyale niemientwe saba nie nsugha khienchigho. ⁴ Undhala afyaliele iemyendha eigya sambalau nie amawe aghaghala, nie lulu, mumavokho akholiele ifinu ifyaluoviphoflya vuovivi uwa vuolieghu uwa mwene. ⁵ Pakyeni kya mwene liesiemiwi eilitawa eilya khuvutitu: "BABELI VEI MBAVA, VEINDALA VA VAVALIGHI NIE FINU IFYA KUVIPHIENCHA

IFYA KHILUNGA.”⁶ Pwu niekhavona undhala uoywa aviele aghaliele khuo nkhisa ughwa viedhiiekhi vavo vafwiele khuo nonghwa ieya Yesu. Unsiekhie vuniembwene, pwu nieliekhudhegha ukhulutieliela.⁷ Hanghe unsuhwa akhata, “Khikhi ekhe wiedhegha? Neikhukhuva viikhulumanya eikyagheghile (eikhie khanu eikyo kхиieniemintwe saba nie nsugha khienchiegho).⁸ Eikhiekhano eikyukhakhiewene khikhale phuokhiele, khiesiphali apha lieno, hanghe khiesawile ukhutogha ukhuhuoma mundhighuli eilitalieilyusalie siela. Pwu kхielutieliaghа ukhunangha. Vala avientama pakyanya phakhielungha, vavo amantawa ghaveene saghasimbiwe mukheitabhu eiky wumi ukhuhoma ukhuviekhiewa ulwuoto ulwa khilungha - uyuvividheghaghа vuviekhu khievona eikhiekhanu khiekyo phukhiele, ulwakhua lieno khiesiphali hangha khielephakwincha.⁹ Ulwielangho uolu lwa luhala nue nukwisaghila. Eimintwe saba fyuo fyamba saba fifwo undhala atamile phakyanya pha fyamba.¹⁰ Eifyo vuva Nkhuludheva saba. Avakhuludheva vahano vaghwiele, yuomo pwale, uyounghe badho; sinchiele anghienche ayietama unsienkhi indhebhe vuvule.¹¹ Eikhiekhanu khiekyo khiekhale pwukhieli, lieno pwu khisiephali, umwene vienkhludheva uvane; vieniene navankhludheva vala saba, hanghe eiluta khuvunanghi.¹² Insuogha khienchigho unchuokhanchiewene vuva nkhuludeva, khienchingho vavo savuophielile

uludheva ulwakhuva valuophielila uvuvaha ndha avankhuludheva khunsiekhi ghuomo pwu phanie nieniekiekhanu. ¹³ Ava vuvalienienonghwa yiemo, vuo valampha amankha ghavene nuvutwa uwakhiekhanu khiela. ¹⁴ Pwu valalanwa nie lieghoha avene nu khakholo. Ulwakhuva ukhakholo valavantoleva ulwakhuva umwene vie Nkhuludheva va vakhuludheva hanghe Vitwa va vatwa - hanghe khumwene twaielanghiwe, tukhahaliwa, twieviedhiekhi.” ¹⁵ Unsuhwa akhambula, “Amaghasi għala ughukhaghawene, pwu akhatamiele ula undhieghu vuo vanu, aviengie, avatenghe nie njovele. ¹⁶ Insuogħa nchiela khienchigho ienchukha - nchiwene iekyo kyu khiekhanu viekhukhievie philagħa nula undhighu. Pwu viekhumbiekħagħha mwene vikhunyalulagħa nukħulekha ukhufyala, hanghe pwu viekhunyanya mumwoto. ¹⁷ Ulwakhuva Unghuluve aviekħiele munumbula inchavene ukhuphiemba uvuonoghwe uwa mwene kħuo ulwiudhihano ghavene ukhulolela ukhudhugħa amamenyu aghha Nghuluve upwuakhieva ghievonekhagħha. ¹⁸ Undħala uola uvyuokħambwene vuvunchenghe vula uvuvaha uvuloleliwa na avankhuludheva avankhielunħha.”

Uluvonekhelo ulwa 18

¹ Vu filutie ieħi ifinu iefi neikhambona unsuhwa uyunghe iekhui kha ukhuhuoma khukyanya. Umwene vieale nuvulamunchi uvuvaha, nie kħielunħha, nie kħilunħha khikha muliekhiewa

kyooni nu vudwadwa uwamwene. ² Pwu akhaliela khumakha aliekhunchova alikhuta, "Ugwile, ugwiele, vie vunchenghe uvuovaha Babeli! Uviele luvafu uluo ghientama amasetano, nuluvalu ulwakwijajiegha eimepho imbivi, uluvafu uluitama khila mbivie, nei khiedheghe eikhiviphiencha. ³ Ulwakhua avanyaphanji voni vanywiele uvughiembie uwa khunoghma uvuliegho uwamwene vuwa vukhugheghela uluoviepho. Ava vala khuludheva avekhielungha vaghoniele nave. Avanchlusi ava mukhielungha vaviela vatayieli khuo makha aghavutamo uwamwene uwa vunogwe." ⁴ Pwu niekhaphulikha eilimenu eilienghe ukhuma khukyanya lilie khunchova, "Muohume khumwene mwie vanu vangho, uoyumukhiehanja mumbuvivi uwa mwene, hanghe uoyuomunkhuwuophielila uvuohieghi uwa mwene woni mumbuovivie. ⁵ Dhambi zake zimerundikana juu kama mbingu, n aMungu ameyakumbuka matendo yake maovu. ⁶ Mung'ombaghe nduvuavahombiele avanghe, munkhahombe khaviele khumwene ndu vuankhavavombie; mukhienkhombe eikyakhanjinie, pwu umwe muhanjanie mala khavieli khumwene. ⁷ Nduwankhielolelie yuywa mwene, akhatamagha mumbunonu uwavoghwe, mumphinchaghe uluvughu uluvivi na masaghe. Ulwakhua ienchova munumbula ieyamwene, 'Nietamile ndu lunkhengele; hanghe sanieliefwiele, sanielava namasangho.' ⁸ Ulwakhua eilinchuva liemo uluvungho ulwamwene lulantola: uvufwe,

Ufunuo Uluvonekhelo ulwa 18:9 xlvi Ufunuo Uluvonekhelo ulwa 18:15

ukhuliela, nie njala. Alanyanyiwa mu mwoto, ulwakhuva Unkuludeva Unguluve vie nyamakha, hanghe vie ng'eighi yuoywa."

⁹ Avankuludheva avankhielungha vavo vavombiele uvulieghu numwene nukwie hanjanie numwene valaliela nukhundiliela valala viekhulievona eilyosi umwene vuiepya. ¹⁰ Pwu valiema phavutali numwene, khuludwadho ulwaluvavo ulwamwene, pwuvinchovagha, "Ole, Ole hakhuvunchenghe uvuvaha, Babeli, uvenchenghe uvunyamakha! Khunsiekhi ghumou uvuhighi wienchiele."

¹¹ Avanchulusi avamunkhielungha mlielaghe nukhukhita khunonghwa iencha mwene, ulwakhuva asiekhulu umunu uvieinhula ifinu ifyamwene - ¹² hanghe iefinu ifya mwene, iendalama, amawe aghalama, lulu, eikhietani, eikhienonu, sambalau, halili, eedhuhu, eimibhenkhie ngyoni eighienuheliela vuononu nkhila kyombo eikya nsugha iencha tembo, nkhila kyombo eikyuvavombiele khumiebiekhe eigya nghalama, eishaba, eikyuma, eiliwe,

¹³ Undalasini, ifyakhuhata, uvufumba, amanemane, uvoubani, uvughiembie, amafuta, uvuntiene uvuononu, einghanu, eisengha, nie ng'osi, eifalasi nie mutukha, navankhungwa nie numbula iencha vanu. ¹⁴ Isekhe nchincho ukhanoghilwe khumankha ghakho nchiheghiele khulyuve. Ifyavunoghwe wakho woni ifyakwienoncha fiekhieghele, safikhavonekhe khaviele. ¹⁵ Avanchulusi avafinu iefi avakhaviele uvutayielu khuvunogwe uwa mwene pwu ualiema phavutali ukhuhuoma khumwene

Ufunuo Uluvonekhelo ulwa 18:16 xlvi Ufunuo Uluvonekhelo ulwa 18:22

ulwakuva uludwadho nuluvavo ulwamwene, valaliela nukhutoncha eilimenyu nukhu khuta.

¹⁶ Valanchova, “Ole, ole uvunchenghe uvuo uvuvaha uvufyaliele eimwenda eimienonu ei kya sambalau, nieemidhu, eigwuo vabhakhiele eisahabu, nie finu ifya galama nie lulu!” ¹⁷ Munsienkhie ugwa ghumao ifinu fyoni eifwo iefya vutayieli woni uowa fikhahegħa. Khila nahosa uva ngalava, naviephemba eiminchigho, na voni avamumaghasi, na voni avie vomba iembombo munyanja, vaeimile phavutali. ¹⁸ Valilie vuviekħulievona eilyosi nuo mwene vuiepya. Valikhuta, “Vuvunchenghe vuliekħu uvuhwanine nuo vunchenghe uvuvaha?” ¹⁹ Pwu vakha valahiela mundyela phakyanya phamietwe eigyavene, pwu vakhaliela, nchiliekhuohuma nie nyiekhonchi nukhu khuta, “Ole, ole uvunchenghe uvuvaha phoni upwuvuliepwo. Vavo vale munghalava nchavene munyanja vale vantayieli nie khyuma eikhya vene. Munsiekhi għumu kyoni khikhayagħa.” ²⁰ “Muhovokħagħe khumwene, khukyanya, uwe mwivanyaluvavo, avasuhija, na vanyamalagħo, ulwakuva Unguluve aghegħile uvuhighi uwamwene khulyumwe!” ²¹ Avasuhwa avanyamakha vakhaphiembä eiliwe ndiliewe eilivaha eilyakħuhevetela pwa akħalietaqha munyanja, akħanchova, “Khinjila eiyi, Babeli, vula uvunchenghe uvuvaha, vula tagħiwa pasi khuvukħali hanghe savulavonekha khavieli. ²² Elimenju ielya fipħanġo, avanyalwiembo, avienema ifie weiwei, namatalumbeta, savakhaphulie

khikhe khavieli khulyume. Hanghe umanyi uva khila khieno salavonekha khulyumwe. Nalielie menuy elya lietuole salielaphulikhikha khavieli khulyumwe.²³ Ulumuli ulwa khiesikhi (taa) salulamuoliekha mughati mundyuve. Eiliemenyu lya nyavunteghulania nuo mwehe uvavuteghulania sanchikhaphuliekhekhe khavieli munghati ndyuve, ulwakhua avanchulusi vakho vale vavaha va nkhielungha na va tenghe, vasyoviekhe nunuhavi uwakho.²⁴ Munghati mu mbene unkisa ugwa vanyamalagho na viedhiekhi ghukhavonekha, nuo nkisa gwa vanu voni vavo vakhabudhiwa pha kyanya phakhielungha.”

Uluvonekhelo ulwa 19

¹ Vunchielutiele ienchi phuniekhaphuliekh eilimenuy likhwanana niekhielio eikya liephugha eilivaha eiliavanu khukyanya lieliekhunchova, “Haleluya. Uvuophokhi, nuvuvaha, na mankha fyoni fya Nghuluve vietu. ² Uvuohieghi uwamweni vuwatielwel, nukhugholokha, ulwakhua ang'ieghile undhighu umbaha yuywa ananghiele eikhielungha khuvulieghu uwa mwene, avombiele alutieliele unkhisa ughwa vavombi va mwene, ghuo aghudhudhiela yuoywa.” ³ Akhakhilivukhila ghanghe vakhanchova, “Haleluya! Eilyosi eilyamwene pwulietogha khukyanya khusila lusiku.” ⁴ Avaghogholo vala ishilini na vane nie fyuomi fine fikheisaya nukhunghienia Unghuluve uviitetama phaghieghodha eikya

Ufunuo Uluvonekhelo ulwa 19:5 xlviii Ufunuo Uluvonekhelo ulwa 19:11

vuntwa. Pwu valiekhunchova, “Amina. Haleluya!”⁵ Pwu eilimenyu liekhahuma phaghieghodha eikya vuntwa, likhanchova, “Munghinieaghe Unghuluve mwie vanu, na mwie vavombi va mwene mwievoni, umwe yumwe mukhuomwiedhikha umwene avana na vavaha.”⁶ Pwu niekhaphuliekha eilimenyu ndheilya vanu avienghi hanghe ndamaghasi aghie khwovela amienghie, hanghe ndhie njansie eiyimuliekha nukhuluma, vuyieta, “Haleluya! Unkhuludheva vie Nghuluve vietu, vie ielolela fyon. ⁷ Hanghe tuhovokhaghe tuhekhelaghe tusanaghe ulwakuva eindoanoluhekholo ulwa khaikholo lwienchile, nuo mwienghaeitesanienche.”⁸ Vantavuole ukhufwala eimwenda eiminonu eighieng’ala eigyakhitani (iekhietani eikhienonu nchuo mbombo inchinoghiele iechaviedhiekhi).⁹ Unsuuhwaakhanchova nuone, “Ughasiembe agha: Vasayiewe vala vavo vielanghiwe ukhuluta khwila ifienu ifya Nkhakholo.” Vulevule akhambula, “Agha khumamenyu aghavuyelweli aghaNghuluve.”¹⁰ Une niekhaghwa phasiphomalunde ghamwene ukhuta niensane nukhudhova, pwu akhambula akhata, “Wietekhelwe ukhuvo eiwo! Une nieliembombi ienieno navalukhololwo avakwibata inchinchoviwa nu Yesu. Mwiesayaghe khwa Nghuluve, ulwakuva inchinchova uYesu ncha mepo uva nyamalagho.”¹¹ Pwu nikhavona khunkyanya khudhiendhukha, lola khwale nie falasi eimbalaful. Uviaei toghiela ienkhwielanghowa Mwiedhikhi uvayie Lweli. Voophe vayielweli

Ufunuo Uluvonekhelo ulwa 19:12 xlix Ufunuo Uluvonekhelo ulwa 19:18

vieheigha nukhuvoomba eilighoha. ¹² Amiho ghumwene ghuhwanienine ndululiembo ulwa mwoto, hanghe phakyanya pha ntwe ughwamwene plalienifietambala fienghie. Hanghe alienielietawa eilyamwene ieilyo asikhuli avyaliemanyiele, aliemanyiele yuoywa mwene. ¹³ Umwene afwaliele umwendha ughuvayuviekhe munkhisa, elietawa lyamwene vieta vei lyiemenu lya Nghuluve. ¹⁴ Avasikhali avakhukyanya valienkhunkhongha munsana, veitoghiele iefalasiiei mbalafu, vafyliele eimyendh eikyakheitani eimienonu, eimievalafu eighievaliele. ¹⁵ Mundhomo gwamweni yiehauma eiphangha eiyietema yeiyo yieghiedha ifielungha fyoni, umwene vyalavalolela khuluobhiekkie ulwa kyuoma. Umwene veikhanya na malundhe iefyombo iefyavugheimbe nie lyovyo eilievaha eilya Nghuluve, umwenevie ie lolela phakyanya pha fyoni. ¹⁶ Vouphe alienielietawa eilesiembiewa mu mwenda gwa mwene phakhieludhe kya mwene, NKHULUNDHEVA VA VAKHULUDHEVA HANGHE VEI INTWA VA VANTWA. ¹⁷ Pwu niekhalola niekhavona unsuhwa eimile pha lienchuva. Akhafyeilangha iefiedheghe fyoni iefie phululukha khuokyanya wiekhwielangha akhatoncha eiliemenyu akhata, "Mwinchaghe mwievoni muolundhamane pwuo phanienie khukyakhula khienghie eikya Nghuluve. ¹⁸ Mwinche mulye einyama ei ya vankhuludheva, einyama eiya vavaha avalieghoha, einyama eiyavanu avavaha, einyama eiya falasi, eiya vanu

Ufunuo Uluvonekhelo ulwa 19:19 1 Ufunuo Uluvonekhelo ulwa 20:3

voni, vavo valie mbwavuokhe na valie mbunkhunghwa, avavaha na avadheibhe.”
¹⁹ Hanghe pwu nielikhukhievona eikhiekhanuna vankhuludheve ava khielungha phuphanienie na avasikhali vavou vakhava vie tesanienchie ukhuluta khwilwa eilieghoha nuo yuywa yuomoavyakhetoghiele eifalasi na vasikhali avamwene. ²⁰ Ikhiekhanu kyaibatiewe nuo nyamalagho uvamwene uvavudhesi yuoywa akhavoniesye iefimanyielo eifyo phamiho ghamwene. Khufimanyielo ifyo khumbe fyale fya vudhesi akhavasyova vala vavo vauphieliele eikhiemanyielo eikya khiekhanu na vavo valiekwiesaya khukhiekwa niekya khiekhanu eikyamwene vuoni vuvavieli vakhataagliwa vuvanchighe vuomi mundhughuli eilya mwoto lielyo liekhwakha khukhiebelieti. ²¹ Vala avasieghile voni vabhudhiwe khuo mundhu eiyahuomile mundhomo gwa youmo yuywa aitoghiele phakyanya pha falasi. Ifidheghe fyonipwufigheghuota einyama iencha mievieli gyaveine.

Uluvonekhelo ulwa 20

¹ Niekhalaola pwu niekhambona unsuhwa iekhiekha ukhuhuma khukyanya, iebhiete eikhiedhienduolielo eikya khuvufwe, akholiele nuo nyololo umbaha mumavokho gha mwene. ² Akhayiebhata einjokha eila, einjokha yiela eiyakhatale, yieyo vie nchuoghu untavaghwa, akhayeinkhungha eimyakha elfu. ³ Akhayietagha mundhighuli alya khuvufwe, pwu akhayikhuongha

Ufunuo Uluvonekhelo ulwa 20:4 li Ufunuo Uluvonekhelo ulwa 20:9

akhayiekha niekhiemanyielo phakyanya pha yeine. Akhavomba eiwo ukhuta khieve avanyaphanyi, upwuo akhieva ghisilagha eimyaka elfu, eimyakha elfu vughiesiela pwu ayiedhiendhuliwa ave mumbuoleghefu unsiekhe undhebe. ⁴ Pwu nikhalola niekhafivona ifieghodha ifya vuntwa. Fifwo vatamiela vala vavo vavuliewe ukhuva vuvalamulie va vuohieghie. Hanghe pwu niekhalola einumbula ncha vavo vaghiedhiwe eimintwe khunonghwa ieyakhuchova eilimenyu eilya Yesu nielimenyu eilya Nghuluve. Vophe vavo suviekhukhiesana eikhielhanu hanghe savauphieliele eikhiemanyielo iekya pakyeni phamaho ghavene aphanghe mumavokho. Vakhava vuomi, pwu vakhava vakhuludheva pwu phanie nuo Yesu emiakha elfu. ⁵ Avafwie vavo wasighiele savakhava vuomi upwughiesilagha emyiakha elfu. ⁶ Uowa vuvunchukha uvutanchi huoba unghatalufu Umbalance, uywaa vei munu uvyakhavile uvunchukha uluvafu ulwa khuvuotenghulielo, khuvanu avo uvufwe uawa vieli vuolievuovuole amankha khuveine. Pwu valalava, vophe valava vankhuludheva eimyakha gyoni elfu. ⁷ Eimyakha elfu ghielava ghesila, Usetano aladheinduoliewa oukhuhuma mumbukhungwa uwa mwene. ⁸ Umwene pwalahuma khusyova avaphanchi vavo valiekhuphande iene iencha khielungha -Gogu na Magogu - ukhuvalundamanie pwuophanienie vienghi ndhung'angha ugwa khu nyanya. ⁹ Pwu vakhaluta

Ufunuo Uluvonekhelo ulwa 20:10 lii Ufunuo Uluvonekhelo ulwa 20:15

khukyanya khukhielungha khuluviendo, pwu vakhanchuonghula eiliehema eilya vavalanche uvunchenghe uowa vuowale vughane. Umwoto ghuokhikha uokhuhuva khukyanya ghukhavalya. ¹⁰ Undhughu uole, uvakhuvasyova, akhataghiwa mundhughuli eilya mwoto nie khiebeliti, mumwa ale mwali moukhiele eikhiekhanu, nula unyamalagho uvavuodhesi. Avene phuva khavunghiwa ukhwa na phamusi na phakhielo khuvusila lusikhu. ¹¹ Pwu niekhakhievona eikhieghodha eikyavuotwa khievalaha khievalafu, numwene uviekhukhietamela nchiencho eikhielungha nei kyanya fikhanyila phamiho pamwene, avene upwuvaliepwoo saphavonekhe. ¹² Nikhuvavona vavo vafwiele - avavaha na vadheibe viemiele phwuulongholo pha ghiaghoda eikya vuntwa, ni fitabu fikhavaluliwa. Niekhietabu eikhienghe khierekhadhieliewa - Khielkyo kya ludheye. Vavo vafyuile vakhahieghiewa mu mbombo inchavene inchincho nchavieghiewa mufitabu fiela, ukhuonkhonghana nie mbombo nchavene. ¹³ Inyanja youphe yiekhahumya avafyuile vavo vale mughati. Nu uvufwe uwa khuvuofwe vukhahumia avafwele vavo vale munghati mu mwene, vakhahieghiewa khiela munu unkhunkhonghana nie mbombo ienchamwene. ¹⁴ Uvufwe uwa khufwa vuokhataghiwa mundhughuli eilya mwoto. Uvu vuo vuofwe uwa vieli - ukhuta mundighuli eilya mwoto. ¹⁵ Pwu umunu yuoywa saavonekhe ukhuta asimbiewe mu Khalata aya Wumi, vophe ataghiewe mundhieghuli liela eilya mwoto.

Uluvonekhelo ulwa 21

¹ Hanghe nikhalola niekhavona khuonyanya khupya na kkhiekhielungha khiepya, ulwakhuba eikyanya eiyataliele nie khielungha khiekyo kya taliele khieluotiele, yophe einyanja yiekhava yiesiphali. ² Pwu niekhakhievona iekhielungha eikhievalanche, ei Yelusalemu eimya yeiyou yaikhie ukhuohuoma khukyanya kwa Nghuluve, phasi pakhielungha, khiekyou vakhietesanienche ndhuo ng'einja unyweighani youywa vantesanienche vunonu anoghiele ukhumpfuliekhiela untwave.

³ Pwu niekhaphuliekha eiliemenyu eilivaha ukhuohuma khuokhieghodha ekhienyalwaghula lieliekhuonchova, “Ulolah! Uvuotamo uwa Nghuluve valiephuphanienie na vanu, navophe eitamagha navo. Vie vienchagha vanu vaa mwene, nu Nghuluve vophe eivienchagha hauphanienie na veine. Ei vienchagha Nghuluve vavo. ⁴ Pwu alavaphulusya ienyiekhonchi nchavene ukhuhuma mumihoghavene, navavufwe vulavienchagha vusiekhuli, khavieli, nakhukhuoliela ukhuliela, na luoluovavo lulavienchagha lusiekhuli khavelie. Ulwakhuya iembombo inchikhataliele nchiemaliele ukhusiela. ⁵ Umwene youywa akhatamie phakhieghodha eikhienyalwanghula akhanchova, “Mole! Niekuonchievomba nchooni ukhuova miea.” Akhambula, “Akhata uosiembe ukhuota amamenyu agou wiedhiekhe nie lweli.” ⁶ Akhambuola akhata, “Ghasielile ukhuva, “Une nene Alufa nuo Omegha, khuvuenghulielo na khuvumalielo. Uneii

Ufunuo Uluvonekhelo ulwa 21:7 liv Ufunuo Uluvonekhelo ulwa 21:13

niekhumpha uola nyakyuonziela nie khie dhwuowidwiwou eikya maghasi aghawuomi vuovuole. ⁷ Umwene uviesya ienchi vyalahala ienchi, nuone pwunielava Nghuluve va mwene, vuophe alava mwana vangho. ⁸ Hanghe vala avandwanchi, na avasaviekwiedhiekha, na vieviephiencha, na vambhudhie, na valieghu, navahavie, na viekhwisaya hufikhwani na vadhesi voni, uluvaful lwa veine lyu liel eilighuli eilya mwoto nie khiebili. Uowa wou wuofwe uwa vielie.” ⁹ Pwu akhincha ula unsuhwa uva saba vuvale niefiedheindhulielo saba fifyo fidhieghie mavungho saba aghakhumaliela vuophe akhanchova nuone alikhuta, “Uwienchaghe khuono. Une nikhukhulagha ung'enja unyavutenghulani, undhala va nyakhakholo.” ¹⁰ Akhanola muo Mepho ukhudhugha khukyamba eikhievaha, pwu akhambonesya uvunchenghe vula uvuvalanche, ei Yelusalemu uvukwikha ukhuhuma khukyanya khunkhuludheva uo Nghuluve. ¹¹ Unyavuntwa uwa Nghuluve, nulumuli ulwawene lwakhwaniene ndie khien eikyaghala ukhulutieliela ndie khien eikya ghalama ei yasphi, eiyievaliele ndie khliekhliekhombe. ¹² Lwali phuluole ulwiemato uluvaha, ulutali lukhava nie mielyangho khienchigho na ghieviele, phamilyangho phakhava na vasuhwa khienchigho na vavielie, na matawa ghasiembie ghuo matawa aghafikholo khienchiegho nie fiviel iaghavanya Isilaheli. ¹³ Uluvaful ulwakhuvuohuomo eimilyangho gheidhatu, uluvaful ulwakhunene

Ufunuo Uluvonekhelo ulwa 21:14 lv Ufunuo Uluvonekhelo ulwa 21:21

eimilyangho gheidhatu, nuo uluva fu ulwakhusika eimilyangho gheidhatu, nuo luvafu ulwa khuvuosemo eimilyagho gheidhatu.

¹⁴ Nu lwiemato ulwa vunchenghe lwale nie nyuoto khienchiegho nie viele, hanghe phakyanya phakhava na matava khienchigho na fievie li aghuvasuhiewa khienchigho na vavieli avaa khankholo.

¹⁵ Uomwene yuoywa anchoviele nuone ale nie lielanji eilya sahabu alondhagha unkhupiema uvuonjengha nie eimilyangho gyayeine nie matoienchayene.

¹⁶ Uvunjenghe vuola wahwaniene khiela luvafu; uvuotali wa yeine wahwaninie nue wiekha wa yeine. Akhalihania uvunchenghe vula nie khiephiemilo iekyalielanji uaviele nie maili ie nchiva elfu na miatano ukhwikha nu vuntali vukhaliehana).

¹⁷ Akhaliehania uluomato ankhakhava iezilaa mia na alobaini na ine khukhiephimilo eikyavumunu khukhuta ikya vasuhwa.

¹⁸ Ulwimato lwanchenghiwe khu yasipi nuvuonchenghe uvuolienisahabu eiyievaliele, ndhiekhielolelo iekheivaliele.

¹⁹ Ulwuoto ulwa lumato valuononchienche vuononu na mawe aghaghala ma. Aghasaghala wa yaspi, uluonkhonghiele yakhuti smawi, ulwadhatu khalekedoni, ulwane sumalidi,

²⁰ ulwahano saldonikhi, ulwasita akhikhi, ulwa saba klisolieto, ulwanane sabalanjadi, ulwakenda yakhuti ieya manjano, ulwa khienchigho klisoplaso, ulwa khumi na moja hiakontho, ulwa kumi na mbili amethisto.

²¹ Nie mielyangho ghiela khienchigho na gheviele gyale lulu khinchiegho nie veile, khiela ndyangho nie

Ufunuo Uluvonekhelo ulwa 21:22 lvi Ufunuo Uluvonekhelo ulwa 22:2

lulu yiemo. Nie njeila ieyavunchenghe yale sahabu eiyevaliele ndie kyouvo eikhielanghala.

²² Une pwu saniekhayilevona eintembiele munghati mula, ulwakuva Unkhuludeva Unghuluve, Untwa nuo nswambe ukhakholo, yuo tembiele ieyamwene. ²³ Nuo vunchenghe vuola sawienoghw a eilienchuva na ghumwenchi ughwa khumuoliekh a ulwakuva uvuntwa uwa Nghuluve vuveikha uluomuli, nie taa eiyamwene vie Nswambe Ukhakholo.

²⁴ Na vanyaphanchi valaghendhangha muondhumuli lwa mwene. Nava Nkhuludheva avankhielungh a vieghegha uwuotwa wavene mughati muomwene. ²⁵ Nie mielyangho gyamwene saghielandhiendiwa phamus, ulwakuva uomwa yeisiemauli eikhielo.

²⁶ Avene valaghegha uvuotwa nuolunsano uolwa vatenghe muoghati mumwene, ²⁷ hanghe mughati muomwene. Sankhielieghela eikhienu khienyo khielieuovuole amankha novieivomba ienchakhviemphiencha nu vuodhesi avene vala avasimbiwe mukhalata ieya wumi eiya Nswamba Ukhakholo.

Uluvonekhelo ulwa 22

¹ Hanghe pwu akhambonesya ulughasi ulwa maghasi aghawuomi, aghilanghala ndhie khiekhombe, aghiehuoma khuokhieghodha eikhienyalwaghula eikya Nghuluve nie kya Nswambe Ukhakholo ² Paghati pha njiela ya mwene eimba. Nuo uluvaafu uolu nuo luvaafu uolu ulwa lughasi luola, gwale phuoghuole umbiekhie ughwa wuomi

ughwiehola iesekhe, ienchielimaghavo iesekhe khiela mwenchi. Na amasyatu gha mbiekhe uogħwa għwakhuyaviela avanyaphanchi.

³ Hanghe saphakhave nukhulughula khaviele. Niekħiegodha eikhienyalwaghula eikya Nghuluve nie kya Nswambe Unkhakholo pwuo khivienchagħa mugħati mumwene, na avavombi avamwene pwu viekhuombombelagħha.

⁴ Avene pwu valambona phamiho phamwene, nielitawa eilyamwene lielava pafyeni fyavene. ⁵ Hanghe eikhielo yielava yiesikhuli khavilie; nanchie taa sanchilalondhiwa nalulumuoli ulwa lienchuova ulwakhuya unkhuludheva Ungħuluve iekhuvaviekha uluomuli. Avene vuvalalolela ukhudhugha khusila lusikhu. ⁶ Hangha akhambula akhata, “Amamenyu agha niedhiekhagħha lweli. Vouphe Unkhuludheva Ungħuluve umepho uva numbula inchavanyamalagħo ansuhieħla unsuhwa uva mwene khukhuovalagħha avavombi avamwene imbombo nchiencho nchielondiwa ukhuva phwuonchiele nambievie.” ⁷ “Lola! Niekhwiencha na mbievi! Huoba umwene uviephuliekha amamenyu aghavanya malagħo nie khalata eiyei.” ⁸ Une nie Yohana nene nagħaphuoliekha nuo nukhuonchivona eimbombo ienchi. Upwunaphuliekħie nukhunchievona nagħwiele, ukhuva niengħienie phavuolongħolo phansuhwa uola uvieandhaghiele einchi.

⁹ Vouphe ankhambula akhata, “Lola ulekhe ukhuovomba ienchi! Une nielieghane na khuvala aviekħughiebhata amamenyu aghakħalata ieyi. Unsanagħe Ungħuluve!”

Ufunuo Uluvonekhelo ulwa 22:10 lviii Ufunuo Uluvonekhelo ulwa 22:18

¹⁰ Akhambula akhata, “Ulekaghhe ukhuoviekha ekhiemanyielo amamenyu agha vulaghunchi uwa khietabu eikhe, ulwakhuva unsiekhe ughwa ghuliephawiephi. ¹¹ Uvieivomba uvusyovi alutielilaghe ukhuovomba uvusyovi, uvievomba uvuvivi unyavie khwidhiekha aluotelialaghe ukhwidhiekha, Umbalance aluotielilaghe ukhuva iembalanche. ¹² Lola! Niekhwinchia iembieve. Nuo luhombo lwangho luliephuphanienie nuone, ukhung'omba khielamunu ukhunkhongha nie mbombo eiyamwene uvuyieveliele. ¹³ Une nene Alfa nu Omegha, Khuvutenghulielo na Khuvusililelo, uva Khutala nuva Khumaliela. ¹⁴ Huobha vavo viesukha eimiendha gyavene, pwu vava nululaghielo ukhuoluota khuombiekchie ughwa wuomi nukhwinghiele khuvuonchenghe uwa milyangho gyamwene. ¹⁵ Khunji uokhwa khunchiele iembwa na vahavi na valieghu, na vabhudhi, na vophe aviekhwiesaya khufiekhwani, na khila munu uvieinoghma uvuodhesi nuokhuovuvombela. ¹⁶ Une, ni Yesu, niensuhiele usuhwa vangho khukhuovavula umwe imbombo iencho muontembiele. Une nene niekhale indhela nu uvuoholwa uwa Daudi, Nene luotondwe ulung'ala ulwa phavuosikhu.” ¹⁷ Nu Mepho va Ng'ienja uvietenghuliwa vanchove, “Inchaal!” Vouphe uveiphuoliekha ieta, inchaa, vouphe unyakyumiela ienche, vuophe uveinoghma atole amaghasi aghawuomi vuvule. ¹⁸ Nikhumbula khila munu uveikhu7ghaphuliekha amamenyu aghavunyamalagho uwa khalata ieyie: Umunu

Ufunuo Uluvonekhelo ulwa 22:19 lix Ufunuo Uluvonekhelo ulwa 22:21

youywa ayiekhwonghelencha, Unghuluve ayiekhumwonghelencha uluvuongho luolwa lusiembiewe mukhalata eiyie. ¹⁹ Nuo munu youywa ayiehencha eikhieno mumamenyu agha vunyamalagho uwakhalata eiyie, Unghuluve ayikhuong'enchehenche uluvafu ulwa mwene muombiekkie ughwa wuomi khanghe na mumbunchenghe vuola uvuovalache, vuowa ienonghwa nchamwene nchisimbiewe muo khalata eiyie. ²⁰ Vouphe yuoywa iekhunchienchova ienchi anchove, "Eena! Nie khwiencha iembieve." Edhiekha! Pwu wienche Nkhuludheva Yesu! ²¹ Ulusayo uNtwa uYesu luvienchanghe pwu phanenie numwe mwievoni. Ameni.

**Mahanji Bible
The New Testament in the Mahanji dialect of the
Kinga language of Tanzania**

copyright © 2020 Door 43 International Mission Community

Language: Mahanji (Kinga)

Translation by: Door 43 International Mission Community

Contributor: Mahanji TZ, Malila, Ndali, Safwa

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2020-09-02

PDF generated using Haiola and XeLaTeX on 11 Nov 2022 from source files dated 3 Sep 2020

90b863ef-c5fe-5634-9533-e1e4c28371dd